


卷320
88



八旗通志初集卷之二百二十



忠烈傳

忠烈之性。上天賦畀之恒。而八旗爲尤著。蓋

國家教化之深。恩德之厚。激厲奮發而至於斯也。

我

朝自

祖宗以來待臣民

恩意隆洽。至於軍功。卹賞尤厚。故人以偷生異懦爲恥。

而以見危授命爲榮。逮我

世宗憲皇帝御極。尤加意致命諸臣。雍正二年十月。

特旨諭九卿詹事科道云。朕惟周禮有司勲之官。凡有功者。書銘太常。祭於大烝。祭法曰。以死勤事則祀之。凡以崇德報功。風勵忠節也。我

太祖高皇帝肇造鴻圖。

太宗文皇帝式廓區夏。

世祖章皇帝奄有萬邦。自創業以至定鼎。將帥之臣。致命立功者不少。

聖祖仁皇帝臨御六十一年。中間殲滅三逆。永清朔漠。以及平定西藏臺灣。雖天戈所指。如疾風振槁。而師武臣之捐軀馬革。及守土官之見危授命者。所在多

有。邇者青海蕩平。西域効順。然自用兵以來。將士奮勇前驅。亦有歿於行陣者。此皆盡忠報國之臣。朕甚嘉之。亦甚憫之。當於京城建立祠廟。春秋妥侑。世世血食。其偏裨士卒。力戰敵愾。舍生取義者。亦附列左右。以褒崇大節。揚表芳徽。俾遠近觀聽。勃然生忠義之心。於治道亦有裨益。仍令翰林官纂其籍貫事跡。各爲立傳。彙成一編。垂諸永久。爾等悉心詳議具奏。

大哉

王言恩意之隆。茂以加矣。祠祀旣建。忠烈益昭。人心共勸。然備考彙報名冊。則籍隸八旗者。殆當其半。

豈非化行自近。漸被

聖教爲尤深哉。今纂修八旗志書。凡王公大臣。功業弘偉。不止於致命一節者。循倣史例。各立列傳。其官秩稍卑。別無建樹者。並稽其慷慨從容。臨難不苟之蹟。作忠烈傳。

忠烈傳一

鑲黃旗滿洲官員

巴希

巴圖
覺羅阿賴

葉中額

孫哈實庫

昂錦

旦代

胡密嗇

巴林

六世孫南泰

哈爾漢

圖魯石

子舒書

古郎阿

薩哈達

大海
巴哈里

于躍龍

子于英
子于貴

楊愛

子雅他立

奇藍普

庫爾庫德

色勒

子牛鈕

阿岱

納海

隋哈
倭赫

夏穆達

子常孫

哈麻海

薩弼
自思護

古楞格

邁蘭

柴達

索爾敦

巴特瑪

瓦爾答

僧色禮

赫西根

喀士奇

英格
禮

吳世泰

滕克

薩音達禮

殷達渾 託馬海 默爾庫勒 五塞 納星額 覺

羅郭和里 伯諾和 顧理 艾圖 多

諾莫渾 爾科 傳穆拜 穆成額 馬喇希

勒特熙 阿爾賽 博洛

薩哈連 那桑阿 胡世塔

和托 祖翁阿代 花色 圖弼赫

哈寧阿 四格色 大伊 胡什布

邁圖 覺羅努黑勒

額亦圖 董重民

阿鼐 高喀 赫色 鄂代 蒙武

韓大任

常五 喀喀齊 薩哈達 老格 馬蘭泰

巴朗 諾里爾達 祈穆禪

德明 常存 福受 達色 德福受

安啟 烏爾察圖 理興 額什特 按達海 七十六 安泰

郎保 見名臣 超哈爾 達海 見名臣 阿哈尼堪

吳爾格 見名臣 圖爾 龔袞 見名臣 雅希禪

拉都渾 見名臣 內爾 吳沙 見名臣 胡沙

格克里 見名臣 額楚 吳庫 見勳臣 聶牛克

多博 見勳臣 鈕克 拖紐 見勳臣 辛泰

伊蘇

見勳臣顧納禪傳

黑達色

見勳臣常祿傳

巴希滿洲鑲黃旗人。姓傅察氏。世居訥音地方。

天聰元年。以備禦世職。隨大兵攻錦州。城中兵

出戰。我兵迎擊之。復驅入城。巴希與遊擊覺羅

拜山。不待大兵至。衝入敵陣。遂戰歿。八年議卹。

加贈二等甲喇章京。同旗有巴圖者。姓瓜爾佳

氏。世居哈達地方。隨墨爾根征寧遠時陣亡。卹

贈牛叅章京。兼半箇前程世職。又有覺羅阿賴

者。

景祖翼皇帝之曾孫也。天聰八年。從征明擊薊州步兵。

奮勇深入陣亡。卹贈牛叅章京世職。

葉中額。滿洲鑲黃旗人。姓瓜爾佳氏。世居訥音地方。其父山燕於

國初率八十丁來歸。葉中額授貝勒轄員。隨征烏喇陣亡。其孫哈實庫亦以護軍從征陣亡。卹贈七品官。以其子喀泰承襲。

昂錦。滿洲鑲黃旗人。天聰八年。隨大兵征大同。攻王家莊城。於攻毀處首先登城克之。以功授半箇前程。崇德元年五月。同俄屯往征瓦爾喀部落。獲男子三百六十一。婦女三百六十二。幼小一百四十七。馬牛一百有二。併人參及貂捨

狸。獾。狐。獺等裘無算。又以征額黑庫倫厄勒岳色地方時。紀功一次。尋往義州管固山官田。獲糧甚多。又往寧遠同梅勒章京阿拉善。設伏擊敗明寧遠兵。順治元年十月。隨定國大將軍豫親王多鐸南征。破流賊平定河南俱有功。大兵進攻潼關。有流賊馬步兵自山上來犯。奮力迎擊。中箭陣亡。三年議卹。贈牛条章京。兼半個前程。世職。

旦代。滿洲鑲黃旗人。姓伊喇立氏。世居葉赫地方。初任擺牙喇甲喇章京。崇德元年十一月二

十九日率擺牙喇取白山安水城論功授半箇
前程四年三月同鰲拜巴圖魯率擺牙喇沿錦
州城畧地獲馬十四匹羊一百七十隻殺二十
人五年十月復以戰功陞牛彖章京加半箇前
程七年八月從大兵取錦州以步戰擊明經畧
洪承疇兵陣亡尋議卹超贈一等甲喇章京世
職。

胡密齋滿洲鑲黃旗人姓佟佳氏初以章京品
級駐防天瑞山追捕逃人斬六十人生擒五十
人崇德三年隨武英郡王阿濟格征明率四旗

噶布什賢兵從昌平州往北京設伏擊敗敵騎
兵五百獲馬七十九匹又率每旗十人往通州
捉生斬明哨兵百人獲馬五十七匹旋往探視
蘆溝橋擊敗敵兵百人獲馬三十二匹奉遣往
取紅衣大礮遇明郭太監及總兵祖大弼兵三
百人敗之獲馬四匹又率八旗噶布什賢兵往
北京城偵探遇敵兵七百敗之獲馬二十匹東
往遵化擒敵哨騎二十西出蘆溝橋偵探遇敵
兵百人自保定府來敗之獲馬三十四匹凡經
哨探斬殺甚衆共生擒十三人紀功一次九月

隨奉命大將軍睿親王多爾袞證明攻松山。同索渾喀齊海納海。遇祖大壽步兵。敗之。四年。同納海等畧杏山。獲牛三十九頭。羊三百餘。又救出額爾克代青部下一人。五年。隨睿親王圍錦州。左翼兵遇敵。胡密嗇身先士卒。擊敗敵兵。又敗杏山騎兵於汎地。旋出哨。生擒九人。屢著功績。授半箇前程。七年十月。隨奉命大將軍阿巴泰證明。至豐潤縣。同噶喇昂邦等擊范軍門兵。敗之。獲馬一百匹。駱駝五隻。至玉田縣。夜遇明千總二人。率兵百餘來窺我師。同侍衛圖納擊

敗之。獲馬十三匹。八年。進至山東。攻青州府。昂邦章京多爾濟。公圖爾格。令同鄂碩前驅。往尋駐營地。遇明趙軍門兵出取草。卽追擊敗之。獲馬三十八匹。回至德州城北。同索渾擊敗敵兵。又同趙布泰。色赫。穆多。噶爾喇代。擊敗明將司馬獻兵。獲馬五十四匹。我兵有科爾沁二人。被司馬獻兵刃傷。卽同侍衛圖納直入援出。回師至渾河。率師造橋以渡。明范軍門率兵來躡我軍後。胡密嗇同梅勒章京內爾特。擊敗其衆。生擒遊擊一人。出邊時。胡密嗇同阿爾布尼。鄂碩

梅勒章京鄂羅塞臣殿後。明范軍門吳總兵領衆來追。並敗之。獲馬四十匹。順治元年。隨睿王多爾袞至山海關外。擊敗流賊唐通兵於一片石。又隨英親王阿濟格追流賊至安肅縣。斬殺甚多。又追至慶都縣。同噶喇昂邦西特庫誘擊賊兵敗之。同固山額真譚泰追賊步兵。擊斬甚衆。每出兵。胡密嗇輒爲前哨。共擒敵哨十三人。斬一百三十九人。二年。敘功。加授牛叅章京。又加半箇前程世職。十月。隨豫親王多鐸南征。破流賊潼關之戰。同鄂碩擊敗山上賊兵。旣我兵

據山頭。賊步兵來犯。復率本固山前鋒兵乘勢而下。擊敗其衆。賊馬兵來犯。公圖賴軍卽率前鋒兵助擊敗之。又於潼關埋伏。連敗流賊馬兵。又敗其步兵兩營。三年五月至南京。同鄂碩前

驅至句容縣。敗敵步兵二千餘。又有敵兵千餘。堵截道路。同鄂碩衝擊敗其衆。六月。隨貝勒博洛進征浙江。至杭州府。擊僞大學士馬士英。生擒總兵一人。至錢塘江。擊僞總兵方國安。中鳥鎗歿。是年議卹。加贈二等甲喇章京世職。巴林。滿洲鑲黃旗人。姓瓜爾佳氏。世居酸尼地。

方崇德三年。從揚威大將軍貝勒岳託。征明。以雲梯攻深州。首先登城。陣亡。四年。議卹。贈牛条章京世職。南泰者。巴林之六世孫也。初襲拜他喇布勒哈番。兼管佐領。雍正七年。隨大將軍公傅爾丹。征準噶爾。九年。與賊遇於和通胡爾漢諾爾地方。南泰力戰陣亡。

賜祭一次。卹贈拖沙喇哈番。以其子佐領貴山承襲。

哈爾漢。滿洲鑲黃旗人。姓佟佳氏。世居佳哈地方。崇德六年。隨征明圍錦州。有松山馬兵來犯。我紅衣礮營。哈爾漢同甲喇章京丹代擊敗之。

順治元年。隨睿王多爾袞入山海關。破流賊。二年。同葉克舒擊流賊。追至延安府。率甲士四十名。駐守南山。有流賊馬步兵來犯。駐守兵敗。因同正白旗敖賓力戰不退。受傷而歿。三年。議卹。授牛条章京世職。

圖魯石。滿洲鑲黃旗人。姓納喇氏。世居葉赫吉當阿地方。初為理藩院副理事官。順治元年。隨英親王阿濟格擊流賊。敗之。又敗之於慶都縣。三年。隨德豫親王多鐸追騰機思。擊敗喀爾喀碩羅汗兵。又擊土謝圖汗兵。敗之。五年。往蒙古

送

詔書。值鄂爾多斯賈木蘇叛亂。被害。六年議卹。贈拖沙喇哈番。以其子舒書承襲。九年兩遇

恩詔。加至拜他喇布勒哈番。兼一拖沙喇哈番。十一年。寧海大將軍宜爾德征浙江舟山。舒書從征。僞英毅伯阮思率船六百餘隻於海上拒戰。舒書同梅勒章京顧魯古等。以舟師擊敗之。僞總制陳六御等。乘船二百餘隻迎敵。復同署燾章京尼牙達。以舟師擊之。擒斬僞總兵張興。十四年。議敘。加世職爲三等阿達哈哈番。康熙元年。隨

定西將軍愛星阿。由雲南進緬甸國。於阿娃城獲僞桂王。在事有功。康熙十三年。逆藩吳三桂反。舒書從征至四川。僞將軍吳之茂。會同昭化縣僞總兵彭時亨等。率五千餘賊。乘船二十餘。來犯廣元縣。舒書同副將張登科敗之。十四年。從征陝西叛鎮王輔臣。至漢中府。僞將軍王屏藩。率三千餘賊。營於漢中西長寨。尋渡江來襲。我兵後。舒書回軍敗之。進至猴子嶺。僞將軍王屏藩。同叛鎮譚洪等。率數千餘賊拒戰。復敗之。又敗僞將劉慶成。距漢中二十里。有僞陳楊二

總兵陳兵於江之兩岸。進擊敗之。至漢中東門關廂滿水橋。遇偽劉副將埋伏五百餘賊猝起。仍擊敗其衆。進攻前湖營。敗偽總兵陳鳳煥。至鍾家營。偽總兵譚洪。自帥五千餘馬兵來戰。仍敗之。進至溝家營。敗偽總兵楊應芳六千餘賊。並在行間著有功績。康熙二十五年議敘。加世職爲二等阿達哈哈番。

古朗阿。滿洲鑲黃旗人。順治二年。以壯尼大從英親王阿濟格征流賊。至延安府。賊以馬步兵來犯。正白旗守汛。古朗阿隨纛章京希爾根擊

敗之。追流賊至湖廣。復隨希爾根往圍承天府。奪獲賊船。又追至大江。有賊船五百隻泊於江干。古朗阿與希爾根乘船先至。遂取其船。又隨纛章京哈寧阿。希爾根擊敗賊衆。追至富池口。獲其船。並擊敗河岸駐扎諸賊。三年。從肅親王豪格征四川流賊。至三寨山。隨希爾根擊敗賊將高汝勵。賊渠八大王張獻忠率大隊賊衆迎戰。古朗阿隨衆進擊敗之。餘賊復來犯我師。同胡里布擊敗其衆。又有賊兵馬步三路來犯。古朗阿奮勇進擊陣亡。五年議卹。贈拖沙喇哈番。

薩哈達滿洲鑲黃旗人。順治五年。以壯尼大從征大同。叛鎮姜瓖。有賊帥率步兵來援。薩哈達力戰陣亡。八年。敘卹。贈拖沙喇哈番。同旗有擺牙喇甲喇章京大海者。姓傅察氏。世居唐五包。明安木地方。順治九年。隨巴圖魯公鰲拜。征河南。擊賊將孫國旺。陣亡。卹贈拜他喇布勒哈番。兼一拖沙喇哈番。又有駐防江寧。分得撥什庫巴哈里者。順治十六年。於瓜州擊海賊鄭成功。陣亡。卹贈拖沙喇哈番。

于躍龍。鑲黃旗滿洲包衣人。副將于守福之子也。初任

盛京固山助教訓士。有方。順治二年。課績報最。授江西袁州府知府。五年冬。陞福建屯田水利副使道。未及赴任。猝遇提督金聲桓反叛。逼躍龍降。躍龍抗節不從。又痛詈之。聲桓怒。斬躍龍。懸首於城樓。復執躍龍二子于英。于貴。併殺之。六年。征南大將軍譚泰。統兵至江西。勦滅金聲桓。九年。江西撫臣等。以躍龍死節事上。

聞十年七月奉

恩旨優卹。差禮部侍郎恒克德等致祭。追贈光祿寺卿。

八旗通志 卷二百三十一
楊愛。滿洲鑲黃旗人。姓李佳氏。世居查坤漠地方。順治五年。從征大同。叛鎮姜瓖。繼準塔登城。爲賊所傷而歿。九年。敘卹。贈拜他喇布勒哈番。子雅他立。承襲官刑部郎中。十四年。授杭州固山大。十八年十一月十五日。海賊鄭成功陷鎮江瓜州。犯江寧。杭州駐防將軍遣兵赴援。雅他立。在行間指揮我兵。敗賊。敘功。加一拖沙喇哈番。康熙十一年。累陞至杭州副都統。

奇藍普。滿洲鑲黃旗人。順治十三年。以撥什庫隨將軍喀喀木征海賊。在江寧瓜州得傷。康熙

十三年。隨副都統綽克托。征逆藩吳三桂。在四川重慶府與賊力戰。又得傷。遂卒於軍。卹贈拖沙喇哈番。同旗有撥什庫庫爾庫德者。姓烏查喇氏。世居薩哈連烏喇地方。從征雲南。在磨盤山陣亡。卹贈拖沙喇哈番。

色勒。滿洲鑲黃旗人。順治十四年。以委署擺牙喇壯尼大。隨征僞桂王至湖廣。駐扎荊州。僞總兵田國欽。黃世桂等。欲來投誠。爲賊兵所阻。色勒隨燾章京鄂諾等。前往擊敗賊衆。田國欽等遂來降。至貴州凉水井。敗僞侯李成蛟。進至雙

八旗通志 卷二百二十一
河口。遇僞晉王李定國。色勒力戰陣亡。十八年
議卹。贈拖沙喇哈番。子牛鈕承襲。康熙十四年
牛鈕從定南將軍希爾根。征逆藩耿精忠。至江
西撫州鍾家嶺地方。有僞都督易天錫及葉高
二僞將軍。率馬步四萬餘拒敵。牛鈕力戰亡於
陣。二十五年議卹。由拖沙喇哈番加贈爲拜他
喇布勒哈番。

阿岱。滿洲鑲黃旗人。順治十五年。以拖沙喇哈
番銜。從征貴州。至魯嘎地方。敗僞晉王李定國。
康熙十五年。從安遠靖寇大將軍貝勒尚善。征

逆藩吳三桂。至湖廣岳州。僞將軍吳應麒。柯鐸
高起龍。廖進忠等。率四萬餘賊拒戰。阿岱奮擊
陣亡。卹贈拖沙喇哈番。

納海。滿洲鑲黃旗人。初任佐領。順治十六年。以
委署叅領。隨平南將軍賴塔。征福建海寇。攻厦
門陣亡。卹贈拜他喇布勒哈番。是役本旗有壯
尼大隋哈。亦以力戰陣亡。又有倭赫者。康熙十
三年。隨寧海將軍喇哈達。征福建海寇。在海澄
縣陣亡。各卹贈拖沙喇哈番。

夏穆達。滿洲鑲黃旗人。順治十七年。以護軍校

隨安南將軍羅託往福建。征海賊鄭成功。賊船六百餘來攻廈門。至城堡壘。夏穆達同護軍校圖布新奮力前戰。逼近廈門岸。中傷陣亡。康熙二年議卹。贈拖沙喇哈番。以其子常孫承襲。三十五年。常孫從征厄魯特噶爾丹。由西路進兵有功。議敘加世職為拜他喇布勒哈番。

哈麻海。滿洲鑲黃旗人。姓納喇氏。世居烏喇地方。康熙三年。以護軍校從定西將軍圖海等。征湖廣茅麓山賊。至賊寨門築墻處。率所部擊敗賊眾三百餘。又於山嘴擊敗賊兵四百。進至門

下。與賊五百餘人力戰。賊敗。哈麻海亦亡於陣。四年議卹。贈拖沙喇哈番。同旗有驍騎校薩弼。亦以是役同和羅齊巴圖魯與賊力戰。薩弼歿於陣。又有護軍校白思護。姓蒙古里氏。世居虎爾哈地方。亦以是役力戰陣亡。各卹贈拖沙喇哈番。

古楞格。滿洲鑲黃旗人。世居白山松阿里河源地方。康熙三年。以驍騎校從征湖廣流賊。至茅麓山長茆嶺。有三千餘賊迎犯。古楞格力戰敗之。賊首李來亨子率四千餘賊。砌塚口排列火

器。挨牌拒敵。復大敗之。進至上王坪。賊首李來亨親率五千餘賊。分八路來犯。復隨將軍等奮力進戰。敗賊三千餘。十三年。逆藩吳三桂反。十五年。貝勒尚善由湖廣進勦。至岳州府。僞將軍吳應麒。廖進忠。馬寶。張國柱。柯鐸。高起隆等。率七萬餘賊拒敵。古楞格隨貝勒進擊敗之。渡河追至醴陵縣。有僞將軍馬寶等率三萬餘賊來戰。遂亡於陣。二十五年。敘卹。贈拖沙喇哈番。邁蘭。滿洲鑲黃旗人。姓布爾機氏。世居阿爾達額爾蘇地方。伊父巴爾巴圖魯。係蒙古察哈爾

貝勒。率屬來歸。授三等梅勒章京世職。邁圖於康熙三年。以護軍叅領銜。從定西將軍圖海等。征湖廣山賊。賊渠李來亨據茅麓山巖。僞總兵四人。副將四人。聚衆千餘拒敵。邁蘭率本甲喇兵隨將軍進攻。敗之。十三年。逆藩耿精忠反於福建。邁蘭從定南將軍希爾根。由江西往征。九月。賊兵犯撫州府。僞都督易天錫擁賊七千餘入城。邁蘭率本甲喇兵隨將軍奮擊。賊敗走。又有賊自建昌府來助。合撫州五千餘賊。兩路夾攻我師。復擊敗之。又敗楊梅鋪賊二千餘。僞都

督楊益茂率六萬餘賊於七里岡拒戰。隨將軍等敗之。又敗賊周福洪衆三千餘於界牌舖之北山。饒州府景德鎮有僞郭都督率馬步賊萬餘據鎮。邁蘭隨將軍希爾根攻敗之。至沉香山坡。賊首程鳳率七千餘賊拒敵。邁蘭力戰陣亡。二十五年議卹。贈拖沙喇哈番。

柴達。滿洲鑲黃旗人。姓巴牙喇氏。世居松阿里烏喇。康熙十三年。以護軍校從征逆藩吳三桂。四月。隨都統鄂鼐至湖廣彝陵。敗賊帥陶繼智。進至潭嶺山。僞將軍王鳳岐。劉之復等率一萬

六千餘賊拒敵。柴達力戰陣亡。二十五年議卹。贈拖沙喇哈番。同旗有護軍校索爾敦者。亦以隨征吳逆。在湖廣沿山嶺地方。擊僞將軍馬寶。胡國柱。奮勇進戰。遂亡於陣。卹贈拖沙喇哈番。巴特瑪。滿洲鑲黃旗人。初管佐領。康熙十三年。從江寧將軍額楚。征逆藩耿精忠。僞羅都督率賊萬餘。來犯江南績溪縣。巴特瑪隨將軍擊敗之。又敗賊於洞庭橋。至馳臺嶺。復敗僞羅都督賊兵。又敗之於休寧縣新嶺。至江西饒州府樂平縣段家村地方。擊敗僞陳叅將。至雲起峯山。

八旗通志 卷三十一
復擊僞陳叅將敗之。至鄱陽湖地方。僞陳叅將率五千餘賊。乘船三百餘隻。水陸來犯。仍擊敗其衆。又敗僞都督於石頭街河岸。僞總督姜德洪。率五萬餘賊於弋陽縣地方。修立木城拒守。僞總兵柯勝。率五千餘賊來助。巴特瑪並隨額楚擊敗之。至貴溪縣鷹潭地方。僞都督朱天錫率賊拒戰。仍擊敗之。又敗僞總兵王汝奇五千餘賊於永豐縣金石山。又敗僞總兵郭先。張文孝等。六千餘賊於艾山。西行至吉安地方。有賊三千餘拒敵。擊敗之。十七年。踰大庾嶺。進攻廣

東韶州府蓮花山地方。中傷陣亡。卹贈拖沙喇哈番。

瓦爾答。滿洲鑲黃旗人。康熙十三年。以前鋒校隨征逆藩耿精忠。至枯竹地方。有僞都司何楚儒率賊千餘拒敵。瓦爾答擊敗之。進政建陽縣關廂。僞王總兵率三千餘賊拒敵。復擊敗之。追至城門。爲賊所傷而歿。康熙二十五年。敘卹。贈拖沙喇哈番。同旗三等侍衛僧色禮。康熙十三年。從征逆藩吳三桂。耿精忠。在江南江西行間。所至有功。十五年。至廣東九窰十八洞地方。中

傷陣亡。二十五年議卹。贈拖沙喇哈番。

赫西根。鑲黃旗滿洲包衣人。康熙十三年。以委署驍騎校。從征逆藩耿精忠。至浙江處州府。有僞葉總兵。僞副將馬思等。率千餘賊。進至臨善村。拒敵。赫西根隨副都統馬哈達奮擊敗之。十五年。僞將軍馬九玉。遣僞中軍李廷貴。率兵七千。逼近衢州府北原口。修木城。扎立四營。赫西根隨定南將軍賴塔擊敗之。破其所立木營。又敗僞兵曹閔可孝。僞守備趙深等。於下口地方。進至浦城縣。破賊於城之北門。十七年。海賊鄭

錦。遣僞總督徐堯。率三萬餘賊。於烏龍江前小山門鎮風山嶺。扎立十四營。修木城。立寨拒敵。赫西根隨賴塔。及寧海將軍喇哈達擊敗之。又擊破鎮風山嶺東邊賊營。敗僞總督興明伯趙得勝。僞將軍何猷等。復分兵進攻賊二十六營。力戰陣亡。事平議卹。贈拖沙喇哈番世職。喀士奇。滿洲鑲黃旗人。康熙十三年。逆藩吳三桂反。喀士奇以四品官委署夸蘭大。隨安北將軍舅舅佟國綱。出鎮宣府。十五年至陝西益門鎮。與賊戰陣亡。贈拖沙喇哈番。同旗有英格者。

八旗通志 卷三十一
姓鈕祜祿氏。世居長白山。康熙十三年。以三等侍衛隨征吳逆。十五年。在陝西洪城黃河岸陣亡。又有顧哈禮者。姓瓜爾佳氏。世居納音地方。康熙十四年。以委署護軍校隨征吳逆。往陝西漢中府鎮守。隨將軍席卜臣。於猴子嶺山巔擊賊將軍王屏藩。陣亡。又有吳世泰者。亦以委署護軍校。隨都統希穆禪往征吳逆。在陝西漢中府擊賊陣亡。

滕克。滿洲鑲黃旗人。康熙十三年。以驍騎校隨江寧將軍額楚征逆藩吳三桂。十六年。在廣東

韶州府蓮花山擊賊陣亡。同旗有薩音達禮者。姓費莫氏。世居薩齊庫地方。以八品官從征。亦於廣東韶州府東山擊偽將軍馬寶陣亡。各卹贈拖沙喇哈番。

殷達渾。滿洲鑲黃旗人。康熙十三年。以拖沙喇哈番部委夸蘭大。隨順承郡王勒爾錦征湖廣。同正白旗都統宜禮布至永興縣。擊賊陣亡。卹贈拜他喇布勒哈番世職。同旗有部委護軍校託。姓瓜爾佳氏。世居烏喇地方。亦於十三年隨順承郡王。在荊州府太平莊擊賊陣亡。又有駐

防江寧驍騎校默爾庫勒者。姓阿蘇里氏。世居薩哈連烏喇地方。亦於十三年隨都統尼雅哈征湖廣。在岳州擊賊陣亡。卹贈拖沙喇哈番。又有部委護軍校五塞者。亦於十三年隨內大臣阿密達。往河南擒通賊總兵官蔡祿。在事有功。十八年。往湖廣在武岡州雙津浦地方擊賊陣亡。又有委署護軍校納星額者。於十三年隨順承郡王征湖廣。在永興縣擊賊陣亡。又有驍騎校部委章京馬海。副前鋒校伯諾和二人。並於十七年隨將軍穆占。征吳逆至湖廣。在永興縣

沿山嶺擊賊陣亡。又有副護軍校顧理者。於十六年。隨貝勒尚善。在岳州洞庭湖擊賊陣亡。又有前鋒校艾圖。副叅領覺羅郭和里者。於十五年隨安親王岳樂。征吳逆至湖廣。在長沙府擊賊陣亡。又有部委護軍校傅穆拜。穆成額二人。俱隨將軍穆占。征吳逆至湖廣。在長沙府擊賊陣亡。又有委署副叅領多爾科者。姓李佳氏。世居查坤木地方。亦隨將軍穆占。征吳逆至湖廣。於十七年六月。在永興縣擊賊將胡國柱。馬寶。力戰陣亡。

諾莫渾滿洲鑲黃旗人。姓伊圖馬氏。世居葉赫科爾沁地方。順治十七年。從征山東土賊。諾莫渾同四旗兵進攻。以第二人登寨克之。康熙十六年。隨肅章京哈克山征逆藩吳三桂。於永興縣擊賊。哈克山歿於陣。諾莫渾奮勇衝入賊陣。奪取哈克山屍。既出。復入賊陣。奪取我肅。以力竭亡於陣。尋議卹。授拖沙喇哈番。以其子卓爾博圖承襲。

馬喇希滿洲鑲黃旗人。康熙十四年。以驍騎校從征陝西叛帥王輔臣。至顯義關。僞總兵高定

蔡元率馬步四千餘。在關山河岸札立兩營。設鹿角。排列礮位。烏鎗挨牌拒敵。馬喇希隨前鋒統領穆占等敗之。進圍秦州。有僞總兵七人。自四川及平涼等處率賊萬餘來援。城內八千餘賊。亦帶挨牌鹿角及礮位烏鎗。囊土填濠。出城夾擊我師。馬喇希隨貝勒董額力戰敗之。次日四川平涼賊一萬五千餘。並城內七千餘賊。仍內外夾攻我師。山上賊兵復蠡擁而下。逼近我營。於濠邊大戰。馬喇希奮擊陣亡。二十五年。追卹。贈拖沙喇哈番。

勒特熙滿洲鑲黃旗人。姓覺羅氏。世居夾木湖地方。康熙十四年。以二等侍衛兼副護軍叅領。隨撫遠大將軍圖海。往征陝西叛鎮王輔臣。平定平涼固原。又由陝西隨征南將軍穆占。征湖廣。征逆藩吳三桂。十六年三月初一日。攻長沙府。偽將軍吳國貴等。率賊數萬拒敵。勒特熙奮勇進戰。中傷陣亡。十七年議卹。贈拖沙喇哈番。阿爾賽滿洲鑲黃旗人。康熙十四年。隨定遠平寇大將軍安親王岳樂。征逆藩吳三桂。委管左翼前鋒統領事。率前鋒兵擊賊。十戰皆克。二十

年正月。至貴州平越府水西蘆柴坑地方。力戰陣亡。二月議卹。贈拖沙喇哈番。同旗有一等侍衛兼護軍叅領博洛者。康熙十五年。隨征逆藩吳三桂。在湖廣貴州等處。屢立戰功。十九年。至平越府。離城三十里。領本旗驍騎二十名。擊賊陣亡。卹贈拖沙喇哈番。薩哈連滿洲鑲黃旗人。康熙十三年。以員外郎隨經畧莫洛。征逆藩吳三桂。至陝西寧羌州。十二月。提督王輔臣叛。攻殺經畧。薩哈連同遇害。二十二年。議卹。贈拖沙喇哈番。同旗有他赤哈

八旗通志 卷三百二十一
哈番那桑阿者。姓費莫氏。世居訥音地方。亦以
隨經畧莫洛至陝西。遇王輔臣之叛。被害。卹贈
拖沙喇哈番。以其兄雅圖承襲。

胡世塔。滿洲鑲黃旗人。康熙十三年。以護軍叅
領銜。從征逆藩吳三桂。至陝西野狐嶺。有馬步
三百餘賊。豎立紅纛誘戰。胡世塔隨前鋒統領
穆占等。進前奮擊。沿山伏賊叠起。俱擊敗之。進
至陽平關。僞葉總兵率賊萬餘。於山頂立柵列
營拒敵。仍隨穆占等擊破其柵。進至朝天關。僞
總兵石遵禮等。率一萬七千餘賊。於隘口修木

城設信礮。又於山下立寨兩層。扎立三十餘營。
拒敵。胡世塔仍隨穆占進攻。敗之。至保寧府。僞
總兵韓天福率賊千餘乘船而來。又陸路僞副
將二人。率賊五百餘。同水路賊來犯。隨穆占等
分擊敗之。又敗賊於蟠龍山小梅嶺等處。又連
破賊兵於龍潭驛西山。進攻秦州城內外賊兵。
齊出夾攻我營。胡世塔奮勇力戰。被烏鎗傷陣
亡。十六年議卹。優贈爲三等阿達哈哈番。

和託。滿洲鑲黃旗人。祖翁阿代。天聰八年。以辦
事有能。授牛录章京。世職。九年隨霸奇蘭薩穆

八旗通志 卷二百二十一
什哈。征撒哈連烏喇。効力行間有功。加半箇前程。和託叔父舒什蘭承襲。順治五年七年

恩詔。加一等阿達哈哈番。後緣事削去。

恩詔所加之職。康熙十四年。和託承襲。拜他喇布勒哈番。兼一拖沙喇哈番。時逆藩吳三桂反。和託於十五年。從廣西進征。僞將軍吳世琮馬承蔭等。率賊於藤縣地方拒敵。和託奮勇進戰陣亡。二十三年。議卹。加贈爲三等阿達哈哈番。

花色。滿洲鑲黃旗人。姓薩馬拉氏。世居寧古塔地方。康熙十五年。以驍騎校隨撫遠大將軍圖

海。往征叛鎮王輔臣。十六年至四川。在保寧蟠龍山地方。擊賊陣亡。卹贈拖沙喇哈番。同旗有護軍校圖弼赫者。姓瓜爾佳氏。世居烏喇地方。康熙十三年。以護軍校隨貝勒董額。往征逆藩吳三桂。至陝西。十四年五月。在秦州擊賊。中烏鎗歿於陣。

哈寧阿。鑲黃旗滿洲包衣人。姓瓜爾佳氏。康熙十五年。以委署護軍校。隨揚威大將軍簡親王喇布。征逆藩吳三桂。至江西。擊賊有功。十六年十二月。敗賊於吉安府樟坑嶺。十七年。進剿老

虎洞。又征青龍嶺。並有功。尋委署護軍叅領。又委署護軍統領。是年六月在永順縣與偽將軍馬寶胡國柱等戰。哈寧阿領燾進擊。中礮陣亡。四格色。滿洲鑲黃旗人。世居夾木湖地方。康熙十六年。以驍騎校委署副叅領。隨江寧將軍額楚。征逆藩吳三桂。至江西吉安府擊賊陣亡。卹贈拖沙喇哈番。同旗有筆帖式大伊。亦以是役力戰陣亡。又有部委護軍校胡什布者。隨安親王岳樂。征逆藩耿精忠。至江西。在建昌府石峽地方陣亡。

邁圖。滿洲鑲黃旗人。初任七品官。康熙十六年。從征逆藩吳三桂。至湖廣興國州。賊首陳留音。朱重仁等。率六千餘賊。自江西鄱陽湖岔口村來戰。邁圖率本甲喇兵隨將軍敗之。又敗之於鄱陽湖艾影山。又擊破賊船三百餘於灞口。十七年。從安親王岳樂。擊偽將軍夏國相。李良棟等。於袁州平鄉縣東來龍山中。傷陣亡。二十一年。議卹。贈拖沙喇哈番。覺羅努黑勒。滿洲鑲黃旗人。

景祖翼皇帝第五弟之四世孫也。康熙十四年。以一等

侍衛從征逆藩吳三桂至湖廣。偽將軍杜輝巴養元、姜毅等率二萬餘賊乘船二百餘來犯柳林嘴。努黑勒隨討逆將軍鄂內率舟師擊敗之。杜輝等又率賊來犯君山。仍以舟師連敗其眾。進至湘陰縣。距縣城五里。敗賊眾二千餘。十九年。進至貴州。擊吳逆偽將軍高起龍等。中傷陣亡。二十五年議卹。贈拖沙喇哈番。

額亦圖。滿洲鑲黃旗人。康熙十四年。以前鋒校從征逆藩耿精忠至江西。偽伯樂燦於宜黃縣東山。率四千餘賊挑濠拒敵。額亦圖隨侍郎舒

恕進擊敗之。十五年。隨安親王岳樂征逆藩吳三桂。至湖廣攻長沙。擊城內出戰賊兵。力戰陣亡。二十一年議卹。贈拖沙喇哈番。

董重民。鑲黃旗滿洲包衣人。康熙十九年六月。以四品官奉

命往雲南。招撫逆藩吳三桂之孫逆孽吳世璠。曉譬再三。世璠抗違不從。重民以理切責之。遂被害。二十一年八月十九日。奉

恩旨。追贈都司僉書。遣官致祭。仍廕其子董高巴五品

官

八旗通志 卷二百二十一
阿鼐滿洲鑲黃旗人。姓覺羅氏。世居羅里村地方。康熙二十年。以護軍校隨征南大將軍賴塔。征逆孽吳世璠至雲南。在桂花寺擊賊陣亡。同旗有前鋒校富喀者。隨康親王傑書征海寇。擊賊將劉國軒陣亡。

赫色滿洲鑲黃旗人。康熙二十九年。以委署護軍校隨裕親王福全。征厄魯特噶爾丹。至烏闌布通地方。遇賊力戰陣亡。卹贈拖沙喇哈番。同旗有驍騎校鄂代者。亦以是役力戰陣亡。卹贈拖沙喇哈番。又有委署護軍校蒙武者。姓伊喇

里氏。世居哈爾閔地方。亦以是役力戰陣亡。

韓大任鑲黃旗滿洲包衣人。原任總管白陵之孫。備禦韓成之子。早年在逆藩吳三桂藩下。順治十五十六年間。從征四川雲南。平定僞桂王。在軍前有功。康熙十二年冬。三桂反。大任從逆。領賊兵攻陷吉安。十六年螺子山之戰。官兵三次失利。十七年正月。護軍統領哈克山擊敗其衆。大任遂由贛州取福建。詣康親王傑書軍前投降。奉

旨械送來京。

聖祖仁皇帝念其精熟軍務。免死。授奉宸院員外郎。二十九年。授火器營營長。隨撫遠大將軍裕親王福全。征厄魯特噶爾丹。與賊兵戰於烏闌布通地方。賊兵在林間卧駱駝為陣。我右翼兵少挫。一等公佟國綱歿於陣。大任遂奮勇殺入賊陣。中刀鎗傷六處不退。力戰而死。我左翼兵從山腰捲入。始大破賊兵。三十年議敘軍功。以大任死事。卹贈拖沙喇哈番。以其子韓秀承襲。

常五。滿洲鑲黃旗人。任護軍叅領。康熙三十五年。隨撫遠大將軍伯費揚古。往征厄魯特噶爾丹。在昭莫多地方擊賊陣亡。卹贈拖沙喇哈番。是役同旗有部委護軍校喀喀齊。前鋒薩哈達。老格。馬蘭泰。護軍覺和託。雅隆阿。並以力戰陣亡。俱贈以七品官。又有科爾沁公主府長史道纏者。亦以隨征至它嶺地方。奉使往諭噶爾丹。至厄魯特地方遇害。卹贈拖沙喇哈番。

巴朗。滿洲鑲黃旗人。姓董家氏。世居夾木湖地方。原任拖沙喇哈番兼三等待衛。康熙五十四年。告請往阿爾泰軍前効力。五十九年。又告從前鋒統領塞楞。進至吉爾哈筭地方。與賊厄魯

八旗通志 卷二百二十一
特遇巴朗首先入陣射殺賊兵三名婦人一口。又進大隊擊賊佩箭射完。又將身所中賊箭拔出射殺賊兵一名遂歿於陣。

諾里爾達滿洲鑲黃旗人。姓莫爾濟勒氏。世居黑龍江巴林地方。康熙五十五年。選十五名侍衛。隨衣都章京塞楞進藏。諾里爾達以二等侍衛從焉。至喀喇烏蘇察罕鄂布地方。與賊相遇。諾里爾達奮不顧身。揮戈進擊。轉戰數日。遂歿於陣。

欽賜祭葬。卹贈拖沙喇哈番。以其養子傅亭阿承襲。同旗有新穆禪者。康熙五十六年。以護軍校部委章京。隨都統胡世圖往西寧。選列侍衛。隨衣都章京塞楞進藏。亦於喀喇烏蘇察罕鄂布地方。力戰被創。傷發旋卒。得賞銀二百兩。

德明。滿洲鑲黃旗人。姓勒第氏。世居薩哈連烏喇地方。任二等待衛。雍正七年。隨靖邊大將軍公傅爾丹由北路進剿準噶爾。九年。至和通胡爾漢諾爾地方。賊兵設伏拒敵。德明力戰陣亡。是役也。同旗有護軍校常存者。世居薩克達地方。以地爲姓。及護軍校達色。福受。亦皆同時戰

八旗通志 卷三十一
三
歿各

賜祭一次。俱贈一拖沙喇哈番。與其子襲職。

德福受。滿洲鑲黃旗人。姓鄂爾葛氏。世居薩哈連烏喇鄂爾葛村。由驍騎校陞授蘇喇章京。雍正七年。部委叅領。隨靖邊大將軍公傅爾丹由北路進剿準噶爾。九年六月。與賊遇於和通胡爾漢諾爾地方。德福受率兵奮擊。戰歿於陣。

欽賜祭葬。卹贈拖沙喇哈番。以其子佛保住承襲。

安啟。滿洲鑲黃旗人。姓俞窟里氏。世居虎爾哈松阿里江。由副叅領部委叅領。雍正七年隨大

將軍公傅爾丹。由北路進剿準噶爾。九年。遇賊於和通胡爾漢諾爾地方。力戰陣亡。又同旗二等侍衛烏爾察圖。姓郭武爾氏。世居薩哈連烏喇地方。亦於七年從征。九年九月。至坤齊圖庫魁察罕布爾喀蘇地方。擊賊陣亡。議卹各贈一拖沙喇哈番。

理興。滿洲鑲黃旗人。姓穩赤亨氏。世居烏喇地方。任前鋒校。雍正七年。隨大將軍公傅爾丹由北路進征準噶爾。九年。至和通胡爾漢諾爾地方。遇賊拒敵。理興奮勇進擊。戰歿於陣。是役也。

同旗有長鎗營護軍校額什特。姓瓜爾佳氏。世居遼河地方。七十六。姓納喇氏。世居張尼郭羅地方。又有護軍校按達海。姓鄂穆它氏。世居尼馬察地方。安泰。姓伊爾根覺羅氏。世居洛里村。俱同時力戰陣亡。各

賜祭一次。卹贈拖沙喇哈番。與其子承襲。

八旗通志卷之二百二十

八旗通志初集卷之二百二十一

忠烈傳二

正黃旗滿洲官員

滿達理 子舒書

霸雅爾圖 子碩色

納蓋

張屯 子圖勒慎 羅托

額爾機根 子額爾璧 赫

達蘭

顧山

瓦爾喀 子代松阿

蘇爾修 弟阿爾修

兄之子他克圖巴圖魯

瓦音布 弟艾音布

偏珠

奮達理

碩爾昆 弟雅爾布

費揚柱

和圖

孫積善

傅察

兄子疏拜

瓦顏住

費揚古

阿什譚

兄綏蘭 綏蘭子魏赫德

特庫殷

兄馬寧阿

索寧巴圖魯

子霸圖

巴代

法特哈

滿丕

巴錫

父阿爾納

曹丹

葉陳

費赫齊

巴朗

傅岱

車圖納

泰星阿

傳達禮

強健

邁圖

胡什屯

海世宜

孫觀音保

莊珥

懷色

特穆德格

阿海 覺羅喇達 甄特 屯代

買圖 翟賽

吳納海

貴三

都敏 六十

巴雅爾圖 阿紐 德赫德

葛色 格布額 保福

納能額

門岱

南岱

保福

季達理

戴牧

朱轍

能格

吳珠克圖

霍濟格里

額參特 色本 參特黑 諾岱

覺羅達琳 俄內 綽思啟

顏布 雅哈里 古祿錫

他爾海

巴喀 岳納

薩郎阿

額勒布

胡什布

冷格

舒申

何溥

薩冲阿 岳丹 騷達色 哲爾布 永順

阿林 吳山 沙納海 馬爾圖

布爾哈 那蘭泰 達色 尼雅漢 如寶

阿喇密 見名臣那木 俄福和 見名臣譚泰傳

訥木僧格 見名臣多 阿哈丹 見名臣滿達爾

鄂退 見名臣馬福塔 泰璧善 見名臣努山傳

覺和托 見名臣陶岱 鄂立善

舒寧阿 見名臣宜爾 祜紐

費揚古 見名臣圖賴 喀西泰 見名臣希爾根

阿福尼 見名臣喀喇 松阿里 見名臣鄂能傳

庫達禪 見名臣瓜喇 穆魯 見名臣舒里渾傳

察渾 見名臣喀蘭圖 阿喇穆 見名臣安珠瑚

那爾泰 見名臣布恕 穆爾泰 見名臣沙納哈

噶爾都 見名臣嘉隆 賽弼圖 見名臣闡褚傳

張保住 見名臣躔玉 雍貴 見名臣和碩退傳

滿達理。滿洲正黃旗人。姓納蘭氏。世居布顏舒護魯地方。

國初以牛彖章京世職。從攻遼陽。力戰歿於陣。以其子舒書襲。順治元年。隨大兵入山海關。擊流賊有功。二年。議敘。加半個前程。七年。九年。三遇恩詔。加至一等阿達哈哈番。十一年。從征廣東。擊偽安西王李定國於新會縣之東山。敗之。又敗之於山峪內。十三年。論功。加一拖沙喇哈番。

霸雅爾圖。滿洲正黃旗人。姓民覺羅氏。世居葉赫地方。初以戰功授備禦。世職。天命六年。從大

兵征明。克遼東。奪敵橋。論功加世職爲遊擊。十一年正月。從大兵攻寧遠。陣亡。長子阿寨襲職。尋以罪免。遂以次子碩色承襲。順治元年。碩色從大兵平定淮安。有敵兵四萬拒戰。同梅勒章京希喇巴雅拉。率兵渡淮擊走之。復同阿藍察格爾圖。擊敗敵衆萬餘於鶯台山島。六年正月。從貝子吞齊。征甘州蘭州叛獍。敗其衆三萬。又敗黃羅山賊首魏天明兵千餘。賊忽四面大至。碩色以綠旗兵擊敗之。綠旗兵者。漢人兵也。是年。又從征山西叛鎮姜瓖。招撫四縣。進攻陽城。

恩詔。加至三等阿思哈尼哈番。

以雲梯克其城。論前後功。加世職爲一等阿達哈哈番。七年。九年。遇

納蓋滿洲正黃旗人。世居蘇完地方。姓瓜爾佳氏。初以備禦世職駐防千山。適段備禦率衆逃去。納蓋追及之。殺千總一人。逃者一人。旋聞敵犯葉克舒村堡。卽往應援。殺敵四十人。天命十年。隨大兵取旅順口。力攻邊城陣亡。加贈遊擊世職。以其子古喇哈承襲。順治七年。九年。二次恩詔。加至一等阿達哈哈番。兼一拖沙喇哈番。康熙二

人旗通志 卷二百二十一 五
年。追敘納蓋從征錦州松山福建等功。加古喇哈世職爲三等阿思哈尼哈番。

張屯。滿洲正黃旗人。姓馬佳氏。世居薩哈地方。初任牛彖章京。天聰元年。從征朝鮮。隨正白旗燾章京阿爾津先行。遇敵。斬二人。擒一人。有包衣牧屯四十人相率逃去。張屯同圖魯什順科羅巴圖魯。追至西喇他喇地方。盡殲之。九年十月。奉命齎書往喜峰等口。十一月還。擊明沿邊哨卒。斬百餘人。擒一人。獲馬三匹。崇德二年。從大兵征明。至涿州城南。擒敵哨卒一人。六年。從

鄭親王濟爾哈朗圍錦州。至鄂新河。遣額爾克圖。同正白旗邦紐率兵一百翼之。過錦州。馳至吉達口。斬敵五人。擒三十三人。七年。復圍錦州。明松山步兵犯阿賴庫魯克達爾漢固山汛地。張屯同正紅旗季思哈往援。各據一壕拒戰。斬八十三人。明軍門洪承疇援兵遁走。我兵掘壕困松山。張屯率本旗兵夜守壕塹。明總兵曹變蛟。撤乳峯山兵。棄寨下山夜遁。率馬步兵衝至張屯守處數四。俱擊敗之。論功。授牛彖章京世職。八年。任工部副理事官。考滿稱職。加世職爲

三等甲喇章京。順治元年。從征明。圍前屯衛。指揮攻城。中傷而歿。次子圖勒慎襲職。是年入山海關。破流賊。同甲喇章京唐古哈。敗其一隊。又從征山東陝西山西河南武昌九江等處。俱有軍功。加世職爲二等甲喇章京。尋卒。以其兄羅託襲羅託者張屯長子也。旣襲弟職。遇七年九年。

恩詔。加至三等阿思哈尼哈番。先是羅託從征江西。至安福縣。敗賊五千於河岸。又敗之於徐嶺。十一年。從征浙江舟山。同纛章京尼雅達。敗僞伯阮

思等戰艦百餘於海上。又同梅勒章京柯永綦。敗賊三萬。尋追論前功。加世職爲二等阿思哈尼哈番。

額爾機根。滿洲正黃旗人。初以軍功授備禦。世職。天聰二年。從大兵克錦州城。加遊擊。三年。從征北京。至薊州。遇明兵。力戰陣亡。八年。贈一等甲喇章京。兼半個前程。以其子額爾璧赫襲。崇德元年。從征明寧遠。有城內兵出戰。額爾璧赫同蘇爾德擊破之。六年。從大兵圍錦州。擊杏山馬步兵。皆敗之。順治元年。定燕京。敗流賊於山

海關追奔至慶都。又追至延安府。並有功。賊兵夜犯吳格嵩阿所守汛地。卽同前鋒章京布爾孫往援。連破賊兵。三年議敘。加半個前程。世職達蘭。滿洲正黃旗人。天聰三年。從大兵征明。攻永平。遵化城。先登克之。八年。授二分牛彖章京。崇德元年。從征瓦爾喀部落。所獲甚衆。旋從大軍征朝鮮。率二十人。乘夜用雲梯襲南漢山城。奮勇前進。陣亡。二年。論平朝鮮功。達蘭由二分牛彖章京。加贈全牛彖章京。以其子達思桓襲。准再襲五次。

顧山。滿洲正黃旗人。姓哲爾德氏。世居烏喇地方。初任牛彖章京。天聰三年。從大兵征明。過北京。於大紅門步戰。登山自上而下。擊涿州援兵。敗之。追殺甚衆。崇德元年。從和碩豫親王征朝鮮。力戰歿於陣。二年。贈牛彖章京世職。子傳達理襲。順治七年。九年。三次

恩詔。加至二等阿達哈哈番。

瓦爾喀。滿洲正黃旗人。姓薩克達氏。世居布爾哈地方。天聰五年。隨大兵征大凌河。陣亡。授拖沙喇哈番。子代松阿襲。代松阿於康熙十三年。

以委署護軍校。從前鋒統領穆占。征逆藩吳三桂。由陝西進兵。於娘娘廟槐樹驛小梅嶺等處。擊賊。俱有戰功。及移師秦州。次夏邑關。敗賊。得五等賞。攻秦州城。第一前進。中傷五處。是時我軍駐南山下。賊犯我營。代松阿同胡士塔擊敗之。遂隨前鋒統領穆占。攻取秦州。十八年。隨平南將軍賴塔。征福建海賊。敗偽帥劉國軒兵八千餘於郭塘。二十年。隨賴塔破賊。戰於石門坎黃草壩等處。並有功。事平。議敘。加一拖沙喇哈番。

蘇爾修。滿洲正黃旗人。姓那穆都魯氏。世居瓦爾喀綏分地方。

國初率丁壯五十人來歸。從征烏喇。中傷。天聰八年。授牛錄章京。世職。九年卒。弟阿爾修襲職。崇德三年。阿爾修從睿王多爾袞兵。征明。至山東濟南府。擊敗明兵。四年。敘功。加半個前程。是年。同曹海沙慕什哈。征撒哈連烏喇。陣亡。加世職。為三等甲喇章京。子阿庫理襲。順治七年。九年。三遇。

恩詔。加至一等阿達哈哈番。又一拖沙喇哈番。他克圖。

者蘇爾修兄之子也。崇德三年。以撥什庫從貝勒杜度征明。至山東。攻濟南府。先登克之。

賜巴圖魯號。授二等甲喇章京世職。

瓦音布。滿洲正黃旗人。崇德元年。從大兵征朝鮮。取義州城。以第二人登城克之。六年。從征明。隨內大臣宜爾登。往擊明軍門洪承疇兵。執纛陷陣。被傷身亡。卹贈半個前程。以其弟艾音布承襲。初。艾音布以順治元年。隨睿王多爾袞入山海關。破流賊。二年。隨豫親王多鐸平河南。至潼關。有流賊夜犯我營。同郝思漢擊敗之。至江

南。有偽帥朱永卿等。設營圍泰興縣。艾音布屢戰有功。六年。從征江西。叛鎮金聲桓。以紅衣礮攻南昌城。賊兵守西城者六次來犯。皆敗之。又率兵為殿。敗賊帥追兵。復同根特擊賊帥王得仁兵。敗之。又隨征南大將軍譚泰。以舟師敗金聲桓等馬步兵七萬。三月。隨梅勒章京覺山。破偽袞國公於贛州。追擊連破之。七年。九年。三次恩詔。累加為三等阿達哈哈番。十四年。從征福建。敗海

賊江義於黃齊。並有勞績。十六年。議敘。由所襲世職。加二等阿達哈哈番。

偏珠。滿洲正黃旗人。崇德二年。從貝勒杜度征明。至山東。攻夏津縣。繼沙塔布登城克之。四年。授半個前程。順治二年。駐防東昌府。擊土賊陣亡。四年。卹贈拜他喇布勒哈番。以其兄渾珠襲。七年。九年。三次。小萬二日。討賊陣章京景山。如

恩詔。加至阿達哈哈番。

奮達禮。滿洲正黃旗人。初由撥什庫。崇德二年。隨喀凱塔克朱征瓦爾喀。奮達禮素識其地。因用爲鄉導。有功。四年。隨曹海等征索倫博穆博和禮。力戰陣亡。

碩爾昆。滿洲正黃旗人。姓覺羅氏。世居葉赫。崇德三年。從貝勒岳託征明。攻無極縣。別用小梯攻之。力不勞而克。四年。敘功。授半個前程。世職。七年。隨大兵征明。圍錦州。城內忽出兵衝陣。碩爾昆被傷而歿。以其弟雅爾布襲半個前程。順治元年。雅爾布隨睿王多爾袞入山海關。擊流賊有功。二年。加世職爲牛彖章京。七年。九年。三遇。

恩詔。加至二等阿達哈哈番。

費揚柱。滿洲正黃旗人。世居寧古塔地方。以地

八旗通志 卷三十一
為姓。崇德三年。從貝勒杜度。證明。至山東。用雲梯攻東昌府夏津縣。以第二人登城克之。敘功授為半個前程。順治初年。駐防東昌府。統兵剿土賊。中鳥鎗卒。加授牛彖章京世職。以其兄胡柱襲。

和圖。滿洲正黃旗人。姓圖色里氏。世居黑龍江之穆塔喀地方。崇德三年。從貝勒杜度。證明。至山東。攻滕縣陣亡。追授牛彖章京世職。孫積善襲。康熙十六年。以委署叅領。隨副都統穆舒。征逆藩吳三桂。由陝西進四川。於保寧地方九敗。

賊兵。旋以力戰陣亡。追贈拜他喇布勒哈番。以其兄之子嘉哈禪襲。

傅察。滿洲正黃旗人。姓鈕祜祿氏。世居吉林烏喇地方。崇德二年。從貝勒杜度。證明。至山東。以雲梯攻滕縣。首先登城。後無繼者。遂戰歿。追贈牛彖章京世職。以其兄之子疏拜襲。順治七年。九年。三遇。

恩詔。累加至二等阿達哈哈番。世襲罔替。康熙十四年。疏拜從征叛鎮王輔臣於陝西舊縣關。敗偽總兵高定。蔡遠於關山河。六月。隨定西大將軍董

八旗通志 卷三十一
額圍秦州。有平涼賊兵萬餘來援。城內賊兵亦齊出合戰。疏拜隨大將軍連敗之。又擊敗賊衆於山巔。至羅門鎮。僞將軍王屏藩張禮率僞總兵十二員。兵二萬餘。列陣於山上。大將軍被圍。疏拜率本甲喇兵直犯其鋒。連敗賊兵。圍乃解。又敗僞總兵張興等馬步兵三千餘於北山。十六年。隨征南將軍穆占往湖廣征逆藩吳三桂。十八年。擊賊於松滋縣。敗之。二十五年。敘功。加授世職爲一等阿達哈哈番。

瓦顏住。滿洲正黃旗人。姓寧古塔氏。世居胡爾海地方。崇德三年。從貝勒杜度征明。至山東。攻夏津縣。以第二人登城克之。授半個前程。順治初。隨梅勒章京圖衍駐防東昌府。擊賊歿於陣。贈拜他喇布勒哈番。

費揚古。滿洲正黃旗人。崇德七年。以八品官。從征明錦州松山。北京山東等處。順治十一年。從征廣東電白縣。賊將馬雄董仲民王洪勛等來犯。費揚古率衆拒敵。力戰陣亡。敘功贈拖沙喇哈番。

阿什譚。滿洲正黃旗人。姓馬嘉氏。世居莫旦地。

方崇德七年。從大兵征明。圍錦州。我前鋒兵誘擊明松山敵兵。阿什譚同甲喇章京董阿賴直衝其陣。八年。取前屯衛。我軍以紅衣礮擊其城。阿什譚於破缺處首先登城。被傷身死。順治元年。議卹。贈牛象章京世職。以其兄綏蘭襲。綏蘭從睿王多爾袞入山海關。擊流賊有功。又加一拖沙喇哈番。卒。子魏赫德襲父職。七年。九年。三遇

恩詔。加爲一等阿達哈哈番。尋從征湖南。於岔路口擊敗僞帥孫可望。敵復以步騎來援。魏赫德率本

甲喇兵擊敗之。十二年。隨寧海大將軍宜爾德征浙江舟山。破僞英毅伯阮思等。獲僞總制陳六御船。以功加一拖沙喇哈番。十五年。從征福建。於廈門擊敗海寇。康熙十四年。隨撫遠大將軍信郡王鄂扎。征察哈爾布爾尼。破其衆於大鹵地方。優加世職爲二等阿思哈尼哈番。

特庫殷。滿洲正黃旗人。姓瓜爾佳氏。世居蘇完薩哈連烏喇木特海地方。崇德八年。從貝勒阿巴泰征明。過北京。以雲梯攻新安縣。特庫殷繼納哈達。以第二人登城。因後無繼者。遂歿於城。

八旗通志 卷三十一
上尋議卹。贈牛永章京世職。以其兄馬寧阿襲。順治元年。馬寧阿隨睿王多爾袞入山海關。擊流寇敗之。追至慶都縣。復大敗之。二年。加半個前程。七年。九年。三遇。

恩詔。加至一等阿達哈哈番。

索寧巴圖魯。滿洲正黃旗人。姓塔他喇氏。其先係察哈爾蒙古。從恩格德禮來歸。征撒哈連烏喇。擊敗奔波果兒兵。崇德八年。從貝勒阿巴泰。征明。至山東攻萊蕪縣。首先登城克之。

賜名巴圖魯。授牛永章京世職。順治七年遇。

恩詔。加一拖沙喇哈番。尋以圍大同攻渾源州。中礮身亡。八年。卹贈三等阿達哈哈番。以其子霸圖襲。霸圖以康熙十七年。從征逆藩吳三桂於洞庭湖。擊偽帥杜輝巴養元。江義等。力戰陣亡。卹贈二等阿達哈哈番。以其子僧保襲。

巴代。滿洲正黃旗人。世居完顏地方。以地爲姓。初管牛永章京事。順治元年。從大兵入關。追流寇有功。七年。從征大同。歿於陣。八年。卹贈拜他喇布勒哈番。子荊州承襲。

法特哈。滿洲正黃旗人。姓馬佳氏。順治初年。以

七品官從征。入山海關。平定山東山西陝西河南。追流賊於武昌九江等處。並在行間有功。授半個前程。康熙十三年。從征逆藩耿精忠。至浙江。於台州小梁山擊賊陣亡。二十五年。追卹。授拖沙喇哈番。以其子喀濟海襲。

滿丕。滿洲正黃旗人。姓覺羅氏。世居葉赫地方。初任牛錄章京。順治六年。隨征西大將軍巽親王滿達海。征山西叛鎮姜瓖。至太原府。值賊將蔣都司引馬步兵二萬圍沁源縣。滿丕偕羅碩瓜喇擊敗之。十七年。從征福建海寇鄭成功。時

成功自引兵十萬餘來犯洪義壩。滿丕率本旗兵步戰。連敗之。至海澄縣中礮陣亡。追授拖沙喇哈番。以其叔父之子吳納純襲。

巴錫。滿洲正黃旗人。姓傅察氏。世居納音江地方。父阿爾納。任工部員外郎。順治十三年。因造宮殿勤慎。工成議敘。授拖沙喇哈番。尋卒。巴錫襲父職。康熙十五年。從征逆藩吳三桂。至江西。十六年。在吉安府騾子山。與賊將韓大任陳耀元等戰。被傷身死。議卹加一拖沙喇哈番。以其子佟保襲。

曹丹滿洲正黃旗人。順治十五年。以噶布什賢章京從信郡王多尼。征僞桂王。敗僞侯李成蛟等於貴州之涼水井。又連敗僞晉王李定國於雙河口。賊以兵一千用繩繫頸。列陣死戰。復擊敗之。進雲南。奪鐵索橋。又敗之於磨盤山下。曹丹力戰受傷。十八年議敘。授拖沙喇哈番。尋因傷發卒。加贈拜他喇布勒哈番。

葉陳滿洲正黃旗人。姓索嘉氏。世居烏爾護地方。順治十五年。以擺牙喇章京從信郡王多尼。往貴州征僞桂王。敗僞侯李成蛟於涼水井。復

敗僞晉王李定國於雙河口。追擊至盧喀地方。並在事有功。十七年。從征東將軍季什哈。征山東賊于七呂思啟等。敗其衆三千餘於鋸齒崖南。康熙十三年。從征逆藩吳三桂。由陝西進征四川。賊伏千人於林中。使數百人立紅幟於野狐嶺上。以誘官軍。葉陳隨前鋒統領穆占擊敗之。又有伏兵二千出於林中。迎擊。仍敗之。復敗賊於陽平關。僞總兵石存禮等率賊萬七千於朝天關險隘處。掘壕築城。立信礮於山下。連營三十餘相拒。復隨穆占進擊敗之。又隨大兵擊

賊將王屏藩鄭蛟麟吳之茂何德成等。於蟠龍山。賊舟師繞出我後。四面雲集。葉陳力戰不能支。遂歿於陣。十六年議卹。贈拜他喇布勒哈番。兼一拖沙喇哈番。以其子哈達襲。

費赫齊。滿洲正黃旗人。順治十五年。以牛彖章京從征雲貴。敗僞侯李成蛟於涼水井。又敗僞晉王李定國於雙河口。並有功。十七年。從征山東。土賊于七呂思啟等。戰於鋸齒崖。敗之。康熙十三年。從征逆藩吳三桂。由陝西進四川。賊設伏於林中。又於野狐嶺。豎紅旗誘戰。費赫齊隨

前鋒統領穆占力戰。併其伏皆敗之。又敗陽平關賊萬餘於山頂。破其營柵。又隨前鋒統領穆占。敗賊將石存禮於朝天關。蟠龍山。賊王屏藩等率衆四萬來戰。又有江中賊兵。自右翼汛地棄舟登岸。夾擊我軍。費赫齊奮擊敗之。又敗賊於小梅嶺。龍潭驛等地方。大兵至秦州。城內賊出犯我營。費赫齊力戰陣亡。十七年議卹。贈拜他喇布勒哈番。兼一拖沙喇哈番。以其子賽柱襲。

巴朗。滿洲正黃旗人。順治十七年。以擺牙喇章

京。從征山東賊于七呂思啟等。敗其衆三千於
鋸齒崖。康熙十三年。從征逆藩吳三桂。由陝西
進四川。賊伏千餘人於林中。別以賊三百餘。豎
紅幟於野狐嶺誘戰。巴朗進擊敗之。復隨前鋒
統領穆占等。敗賊於陽平關。賊將石存禮截斷
隘口。連營三十餘於朝天關山下。巴朗隨穆占
等進擊。克其關。賊將王屏藩等。率四萬衆於蟠
龍山拒戰。又江中賊。從右翼汎地棄舟登岸。前
後夾擊我師。巴朗力戰陣亡。尋議卹。贈拜他喇
布勒哈番。

傅岱。滿洲正黃旗人。康熙十三年。以驍騎校從
征逆藩吳三桂。至陝西。隨振武將軍佛尼勒。敗
賊於滴水涯。進次平涼。賊三千餘衆。斷路立寨。
復擊敗之。尋從征四川。賊將石存禮黑邦俊楊
天保徐宗炳等。率猱猱七千。出棧道益門鎮。立
七營於西山。傅岱隨大兵攻破之。又敗賊衆四
千於陽山池。又敗益門鎮賊兵於黃兒山。十七
年。從大兵至湖廣。吳逆賊將杜輝巴養元江義
等率船二百隻。賊二萬衆。由洞庭湖至柳林嘴
來犯。傅岱隨大兵以舟師力戰陣亡。卹贈拖沙

喇哈番。

車圖納滿洲正黃旗人。康熙十三年。以護軍校從征逆藩吳三桂。由陝西進四川。賊設伏於林中。以餘衆陣於野狐嶺。執紅燵以誘我。車圖納隨前鋒統領穆占衝擊。大敗之。又戰於陽平關。復破之。僞將軍石存禮等阻朝天關隘口。連營三十餘。設城壕。埋火藥。樹寨兩重。置滾木積石於其上。復隨穆占及西安將軍瓦爾喀等擊敗之。回至娘娘廟。僞將軍吳之茂率萬衆阻路。車圖納隨大兵連破之於張飛廟。又敗僞將軍王

屏藩等於槐樹驛及小梅嶺龍潭山等處。後戰於秦州南山。賊自四川來援。車圖納力戰不克。遂歿於陣。二十二年追卹。加贈拜他喇布勒哈番。又一拖沙喇哈番。以其兄之子阿爾達襲。

泰星阿滿洲正黃旗人。康熙十三年。以佐領從征逆藩吳三桂。由陝西進四川。賊將石存禮等據朝天關隘口。連立三十餘營。泰星阿從前鋒統領穆占等大兵進擊敗之。旋率兵五十人守梅嶺。賊衆大至。兩路來攻。四戰四敗之。賊復攻梅嶺。斷我餉道。泰星阿力戰歿於陣。從優議卹。

八旗通志 卷三十一
贈三等阿達哈哈番。

傅達禮滿洲正黃旗人。康熙十三年。以驍騎校從征逆藩吳三桂。由陝西進四川。至朝天關。隨前鋒統領穆占。敗賊將石存禮。破其營三十餘。十四年。隨大兵由蟠龍山至娘娘廟。遇賊帥吳之茂拒戰。復敗之。又敗賊於張飛廟。擊賊帥王屏藩二萬衆於槐樹驛。敗之。師次小梅嶺。賊斷路立寨。仍急戰敗之。又連敗賊于龍潭驛西山。下。斬獲甚衆。又敗吳之茂於秦州北山。王屏藩復率賊哨聚進戰。傅達禮力戰陣亡。尋議卹。贈

拜他喇布勒哈番。

強健滿洲正黃旗人。姓鄂卓氏。世居撒哈連烏喇地方。康熙十三年。以親軍校駐防湖廣。有賊二千來犯。強健引兵擊却之。十五年。從征逆藩吳三桂。至岳州。僞帥吳應期高起龍馬寶等率衆七萬來戰。強健奮身突入賊陣。遂戰歿。尋議卹。贈拖沙喇哈番。以其子吳三泰襲。

邁圖滿洲正黃旗人。姓瓜爾佳氏。世居蘇完地方。康熙十三年。以署驍騎校從征逆藩耿精忠。隨定國將軍希爾根至江西。南昌總兵官楊富

謀叛。邁圖隨將軍執之於省城。又隨希爾根及平寇將軍哈爾哈齊等。敗偽都督易天錫於建昌府。易天錫自建昌趨援撫州。復擊敗之。又從希爾根敗賊於塘埠。及宜黃縣。十四年四月。隨定遠平寇大將軍安親王岳樂。擊耿逆偽將軍邵連。登於長興地方。連破之。恢復建昌。乘勝攻克新城縣。並有功。隨副都統額赫納等駐守建昌。十二月。賊首李茂珠等帥賊萬餘。列陣於城南之鐘鼓山。欲攻城。邁圖隨額赫納等率衆出城奮擊敗之。追殺數里。十五年九月。隨額赫納

敗賊於芝坪。時邁圖以署叅領領第一隊官兵前進。三敗賊軍於府城之北關。斬偽副將楊六。曾國珍。偽守備朱世龍。趙虎。錢松。夏椿。許大詔等。十七年。隨江寧將軍額楚進廣西。征逆藩吳三桂。敗偽將軍吳世琮於藤縣。二十年。隨征南大將軍賴塔。征逆孽吳世璠。兩敗賊於石門坎。進兵至雲南城下。與賊力戰陣亡。卹贈拖沙喇哈番。以其子花色襲。

胡什屯。滿洲正黃旗人。康熙十三年。以護軍校從征逆藩吳三桂。由陝西入四川。至朝天關。賊

將石存禮連營阻險。以拒王師。胡什屯隨前鋒統領穆占擊敗之。師次蟠龍山。敗賊帥王屏藩。鄭蛟麟。吳之茂。何德成等。直趨娘娘廟。我師先發。胡什屯爲殿。賊衆大至。回兵與戰。被傷陣亡。十六年。敘卹。優贈拜他喇布勒哈番。海世宜。滿洲正黃旗人。姓白氏。世居朝鮮義州。康熙十三年。以委署護軍校。隨奉命大將軍康親王傑書征逆藩耿精忠。至浙江。破賊帥王宗仁於諸暨縣河岍。又敗僞都督於義烏縣。又敗僞葉總兵於臨善村。又隨平南將軍賴塔。敗僞

中軍李廷貴於衢州府北原口。連破其四連營。又敗僞林總兵於大溪灘。十五年。隨賴塔破海寇於小門山鎮風嶺等處。十七年。進擊僞總督興明伯趙得盛。僞將軍何猷等於太平山。破其十六營。併敗其柏木山來援賊衆。時賊勢甚盛。海世宜於四旗前鋒中第一前進。奮勇力戰。復追破賊於城下。十八年。福建泉州府被圍。隨賴塔往援。賊阻洛陽橋。奪其橋。泉州之圍遂解。海世宜亦受傷陣亡。尋議卹。優贈拜他喇布勒哈番。以其孫觀音保襲。十八年。亦以從征福建海

人方通志 卷三十一
寇。至侯官縣戰歿。

莊珥。滿洲正黃旗人。康熙十四年以委署護軍校。從征逆藩耿精忠。擊賊將劉秉仁等。敗之。十五年。從寧海將軍喇哈達。敗海寇王進功於泉州兩橋間。十六年。又破僞提督吳淑於泉州江岬。十七年九月。隨副都統禪布等。敗海寇僞將軍劉國軒於蜈蚣山下。十九年。從征南大將軍賴塔。征逆孽吳世璠。二十年正月。擊賊將何繼祖等於石門坎。敗之。三月。奪黃草壩。直抵雲南城下。並在行間有功。二十五年。議敘。授拖沙喇

哈番。二十九年。從征厄魯特噶爾丹。於烏闌布通地方。擊賊陣亡。尋議卹。加贈爲拜他喇布勒哈番。以其子衆神保襲。

懷色。滿洲正黃旗人。康熙十四年四月。從征逆藩耿精忠。至浙江。賊將周烈、桑明等。率二萬衆於衢州府焦園河岬拒敵。懷色先本旗兵前進有功。賊將連登雲、徐上朝等。率衆五千據處州府。懷色隨副都統馬哈達擊敗之。賊於大溪灘設立木城。掘壕坎自固。懷色隨大兵擊破其城。十五年十一月。隨寧海將軍喇哈達。敗海賊徐

耀於小門山。十六年二月。隨平南將軍賴塔敗海賊僞總督趙得勝等於太平山。破其營二十六。又與賊兵戰於柏木山後。首先陷陣。被傷身亡。二十七年議卹。贈拖沙喇哈番。以其子泰壽襲。

特穆德格。滿洲正黃旗人。原係阿魯篤思哈爾濟農之族。

國初。同噶爾瑪葉爾登。率兄弟及部屬來歸。崇德七年。從大兵征明。圍錦州。執降明之蒙古。戮於城外。蒙古有訥木奇者。乘馬衝入睿親王多爾

袞營。特穆德格迎而擒之。兩相抱持。被刺身死。順治四年。追贈拜他喇布勒哈番。同旗有阿海者。天聰三年。從大兵征明。攻遵化城。越衆先登陣亡。授其父阿拜備禦世職。又有覺羅喇達者。亦以天聰三年。從大兵征明。往北京。遇薊州步兵。力戰歿於陣。八年。卹贈牛叅章京世職。又有甄特者。姓民覺羅氏。世居白山。後移居巴爾達地方。崇德五年。從征明。以火礮擊松山城。城堞俱毀。明守將金國鳳死守。會日暮罷攻。敵乘夜以繩繫木。覆土塞之。比明城固。我師進攻。先登

者不能入。甄特挺身奮登。歿於城上。尋議卹。贈牛叅章京世職。又有屯代者。姓查庫塔氏。世居阿里村。順治十五年。隨信郡王多尼征僞桂王。十六年。至雲南騰越州。力戰陣亡。卹贈拖沙喇哈番。又有買圖者。姓納蘭氏。以啟心郎從征。明攻錦州陣亡。又有翟賽者。姓瓜爾佳氏。翟賽以攻秀巖城陣亡。贈牛叅章京世職。

貴三。滿洲正黃旗人。世居烏喇地方。姓哲爾德氏。任牛叅章京。

國初從征索爾和陣亡。卹贈三等甲喇章京世職。

同事有都敏者。姓民覺羅氏。世居董鄂地方。以甲喇章京兼牛叅章京。陣亡。贈備禦世職。同旗有巴雅爾圖者。姓覺羅氏。世居庫爾喀渾春地方。初管牛叅章京事。崇德二年。從征朝鮮。旋往皮島。率兩旗舟師。渡海與敵戰。因後隊兵退無援。獨率衆登岸力戰。遂亡於陣。贈遊擊世職。又有阿紐者。以牛叅章京駐防寧古塔。因朝鮮叛。往征。中烏鎗陣歿。有吳納海者。祖居察哈爾地方。任前鋒叅領。亦以征朝鮮陣亡。贈牛叅章京世職。又有六十者。康熙二十九年。以護軍校從

征厄魯特噶爾丹時。在烏闌布通力戰陣亡。尋卹贈拖沙喇哈番。有葛色者。亦以征噶爾丹陣亡。卹贈八品官。有格布額者。姓查庫塔氏。世居阿里村。以分得撥什庫從征。在烏札喇空古地方力戰陣亡。有德赫德者。任護軍校。亦以康熙二十九年。於烏闌布通地方戰歿。卹贈拖沙喇哈番。又有納能額者。任戶部員外郎。順治五年。奉差往歸化城馬羣送米。回遇叛賊姜瓖。因被圍於左衛城內戰歿。又有門岱者。任護軍叅領。康熙二十九年。征噶爾丹。在烏闌布通陣亡。卹

恩廕。

贈拖沙喇哈番。又有南岱者。世居牙林西林地。方。康熙五十七年。以侍衛隨將軍額倫特征準噶爾。於阿拉烏蘇地方戰歿。有保福者。任驍騎校。康熙五十九年。隨將軍延信進招安藏。至當尼地方卒。得七品

季達理。滿洲正黃旗人。初任護軍校。順治十八年。從安南將軍內大臣達素。征福建海寇。至廈門。涉水逆戰敗之。又登岸擊陸路賊兵。力戰陣亡。贈拖沙喇哈番。同事有戴牧者。亦歿於陣。贈

拖沙喇哈番。同旗有朱轍者。順治六年。以分得撥什庫。從征湖廣流賊一隻虎。因進擊木城賊兵。中火礮陣亡。是年議卹。贈拖沙喇哈番。又有能格者。姓何舍里氏。世居瓦爾吉和屯地方。順治六年。以噶布什賢轄。隨英親王阿濟格。征大同叛鎮姜瓖。攻渾源州。先衆登城戰歿。贈拖沙喇哈番。又有吳珠克圖者。姓紀里氏。世居占尼必拉地方。崇德八年。從貝勒阿巴泰。征明至山東。以雲梯攻泗水縣。奮勇先登。後無繼者。遂歿於城上。尋議卹。贈牛象章京世職。

霍濟格里。滿洲正黃旗人。康熙十九年。以護軍校從征逆孽吳世璠。至雲南。力戰陣亡。二十二年。議卹。贈拜他喇布勒哈番。同旗有額參特者。康熙十三年。以叅領從征逆藩耿精忠。至江西。擊賊於老虎口。負重傷。未幾歿。三十年。追贈拖沙喇哈番。又有色本者。姓魏古特氏。其先居蒙古察哈爾地方。康熙十三年。以護軍校從征逆藩吳三桂。至湖廣。隨護軍統領額司泰。擊賊將陶繼志等。於宜都縣。以舟師破之。於夔陵。賊將劉之復。廖盡忠等。率衆萬餘來犯。色本挺身奮

擊。遂亡於陣。二十五年議卹。贈拖沙喇哈番。又有參特黑者。康熙十四年。以三等侍衛。從貝子富喇塔。征逆藩耿精忠。至浙江。僞將軍曾養性。等率眾六萬。水陸並進。破黃巖。參特黑奮勇拒戰。被傷陣亡。二十五年。贈拖沙喇哈番。又有諾岱者。世居蘇完地方。姓瓜爾佳氏。康熙十四年。以八品官。從征叛鎮王輔臣。至平涼。去城八里。輔臣子王繼正。率賊萬餘拒戰。諾岱擊之不克。戰歿於陣。二十五年。議卹。贈拖沙喇哈番。又有覺羅達琳者。以委署叅領。從征逆藩吳三桂。在

江西螺子山陣亡。卹贈拖沙喇哈番。又有俄內者。姓瓜爾佳氏。世居蘇完地方。以屢在行間。著有勞績。授遊擊世職。管甲喇章京。後以從征陣亡。准其世襲罔替。又有綽思啟者。姓魏古特氏。世居察哈爾地方。康熙十四年。以驍騎校。從征叛鎮王輔臣於秦州。力戰陣亡。授拖沙喇哈番。他爾海滿洲正黃旗人。任驍騎校。康熙十三年。從征逆藩吳三桂。至四川。將軍赫業。差送文書於他所。還至娘娘廟地方。適賊兵伏發。力戰陣亡。卹贈拜他喇布勒哈番。又有巴喀者。世居松

阿里烏喇克布祿地方。任護軍校。康熙十三年。從征南將軍穆占。征逆藩吳三桂。至湖廣長沙府。力戰陣亡。同事有顏布者。任護軍校。亦以力戰陣亡。又有雅哈里者。世居烏喇地方。任護軍校。康熙十三年。從順承郡王勒爾錦。征吳逆。至湖廣。攻岳州府城。中傷而卒。又有古祿錫者。世居蒙古他拉西拉穆蘭地方。姓巴樂特氏。康熙十三年。從征逆藩耿精忠。至福建。十七年。擊海寇於灣腰樹地方。戰歿。授拖沙喇哈番。又有岳納者。任駐防西安府驍騎校。康熙十三年。隨將

軍瓦爾喀。征逆藩吳三桂。至四川。取朝天關。力戰歿於陣。又有薩郎阿者。姓胡思哈里氏。世居誇爾察地方。康熙十三年。以七品官隨寧南靖寇大將軍順承郡王勒爾錦。征吳逆。至湖廣。永興陣亡。又有額勒布者。康熙十三年。以八品官隨征吳逆。至湖廣長沙府。從副都統雅賴。與賊戰於新口。陣亡。贈拖沙喇哈番。又有胡什布者。世居牙郎色地方。康熙十六年。以前鋒校隨伯伊禮布。征吳逆於湖廣。與賊將馬寶。胡國柱等。力戰陣亡。贈拖沙喇哈番。

八旗通志 卷三十一
冷格滿洲正黃旗人。姓鐸爾袞氏。世居愛濬和屯地方。累官至一等侍衛。雍正八年。隨西路兵進剿準噶爾。冷格爲前哨捉生。至噶斯地方與賊遇。冷格力戰陣亡。議卹授世職拖沙喇哈番。以其子納齊額承襲。又同旗有舒申者。官郎中。雍正六年。派往軍前坐臺。賊來奪我臺站。舒申隻身搏戰。力不能支。陣亡。議卹亦授世職拖沙喇哈番。以其子逢申承襲。

何溥滿洲正黃旗人。姓何舍里氏。世居葉赫地方。父達瑞。見儒林傳。何溥少習舉子業。有文名。康熙六十年辛丑科。與兄何浩。中同榜進士。授刑部主事。雍正七年。

世宗憲皇帝命內大臣公傅爾丹爲靖邊大將軍。揀選才能司員隨往。何溥與焉。九年。至和通胡爾漢諾爾地方。我兵轉戰連日。何溥奮不顧身。力戰歿於陣。議卹。

賜銀二百五十兩。授世職拖沙喇哈番。以其子嗣元承襲。

薩冲阿滿洲正黃旗人。姓他塔喇氏。世居查庫木地方。累官至護軍叅領。雍正九年。隨靖邊大

將軍內大臣公傅爾丹由北路進剿準噶爾與賊遇於和通胡爾漢諾爾地方薩冲阿力戰歿於陣議卹授世職拖沙喇哈番是役也同旗有岳丹者任護軍副叅領騷達色者任前鋒校委署護軍叅領哲爾布者姓瓜爾佳氏世居蘇完地方任護軍校永順者姓額爾圖特氏世居烏喇地方任護軍校亦並力戰陣亡議卹各授一世職拖沙喇哈番

阿林滿洲正黃旗人姓瓜爾佳氏世居哈達地方任前鋒校雍正九年靖邊大將軍內大臣公

傅爾丹率兵由北路進剿準噶爾至和通胡爾漢諾爾地方與賊戰阿林同衆奮勇衝殺歿於陣議卹授世職拖沙喇哈番以其子阿哈占承襲是役也同旗有吳山者姓那喇氏世居葉赫地方亦任前鋒校沙納海者姓覺羅氏馬爾圖者姓瓜爾佳氏並任驍騎校俱力戰陣亡議卹以吳山無嗣沙納海馬爾圖各授一世職拖沙喇哈番

布爾哈滿洲正黃旗人姓伊爾根覺羅氏世居寧古塔地方累官至城守尉雍正九年隨副都

統額爾岑。往勦準噶爾。十年。同將軍傅爾丹。與賊戰於烏孫珠兒地方。布爾哈力戰陣亡。議卹。賜銀七百兩。授世職拖沙喇哈番。以其子金泰承襲。是役也。同旗有那蘭泰者。姓李佳氏。世居薩木查地方。任護軍副叅領。達色者。亦姓李佳氏。世居奉天地方。任護軍校。委署叅領。尼雅漢者。姓薩克達氏。世居社里地方。亦任護軍校。委署叅領。如寶者。姓伊爾根覺羅氏。世居都甕地方。夸色者。姓瓜爾佳氏。世居蘇完地方。並任副護軍校。各奮勇擊賊。歿於陣云。

八旗通志初集卷之二百二十一

忠烈傳二

三

初集

八旗通志初集卷之二百二十二

忠烈傳三

正白旗滿洲官員

葉陳 弟葉錫

卓爾糾 子圖那 沙慕賽

西佛 屯泰

郭科 翁克 阿特達 西拉圖 弼雅達

殷達護奇 多理善

渾達善 喀爾哈那

郝福 弟之子魁齊 孫長明

胡什布 子富達理

珠三 弟努三 蘇三 拜台朱

覺羅雍貴 兄穆成格 弟穆成格子吳錫

羅多理 胡通格 甘他哈 子噶思海

胡爾班 孫卓山

格布庫 子魏黑

干泰 代納

哈爾巴 弟滿都 舍格 德特黑 族人巴爾喀

索博多 邁圖

海魯渾 多莫典阿 鄂爾布 巴蘭 鄂黑瑪庫 海通阿 尹德禮

倪什哈 穆雅納

胡陞阿 達都護 馬魯 子邁蘭 海住 色爾敏

達爾布 子張祿 吳爾護 弟華色

齊藍布 倪堪 孔克德

鈕黑 巴式 卓爾敦 實住 狄爾球 金布

諾羅布 雅布色 祿普查 阿寧阿

巴渣立 倭和納

席特庫 顏拜

胡鈕 子顏布 孔吉納 賽音達理 伊成額

博爾屯 西桑阿 墨黑納 阿納布 通安

艾他 計住 那凱 瓦爾達 照禮 恩圖

黑圖 錫寶 武巴海 內西 阿爾泰 艾三 哇濟麻 吳哈納 南岱

滾泰 阿蘭 外三 尼雅漢 阿爾喀 尼堪 賽音布

劉士英 布思泰 馬爾哈

查爾敏 參度 倭詩 尚志立 色黑

海周 六什 阿哈立 阿布爾代

夸代 遮勒爾德 卓拉虎 托達海
奚特諾 安吉布 倪滿 陸什

索倫 達爾第喀 渣倫查

成根柱 吳海 阿琳保 石柱
巴哈布 英泰

圖郎阿 費揚阿 雙白 偏圖 興保
色德禮 吳常阿 色明

查爾布 穆騰阿 胡什布 見名臣準塔傳
寶旒 下同

拉薩禮 麥色 見名臣康果禮傳

戴滾 見名臣阿積格 席漢 見名臣鄂碩傳下
尼堪傳 四人同

席爾泰 拉都

巴都 武靈阿

額黑麻虎 見名臣朱海壽 見名臣碩岱傳
滿傳

寨山 見勳臣噶爾珠 賓畢 見勳臣噶卜喇傳
傳

福依寶 見勳臣克徹 嘉隆阿 見勳臣噶布喇
尼傳 傳

哈爾庫 見勳臣漢楚 韓傳

葉陳。滿洲正白旗人。姓舒穆祿氏。世居朱社禮堡。

國初來歸。

太祖高皇帝遇之甚厚。以妹妻之。稱為額駙。

賜以馬三十匹。甲三十付。裘三十襲。及服御等物甚備。

又以其居處甚遠。

賜斛勒地方百頃。令攜家口。作樓以居焉。從征哈達時。

奮勇力戰陣亡。卹贈叅將世職。時葉陳之弟葉

錫亦於朱社禮之戰被創而歿。其子俱幼。世職

暫停承襲。

特詔凡有賦役俱著豁免其家使有以自贍焉後葉陳

第四子沙渾年長襲伊父一等阿達哈哈番歷任一等侍衛兼伊都章京

卓爾糾滿洲正白旗人姓托科羅氏世居虎爾哈地方天命六年我兵往征虎爾哈卓爾糾來歸授備禦世職天聰三年從大兵征明至北京同俄羅色臣往運草束遇敵力戰陣亡子圖那初以戰功得世職緣事革退崇德六年六月大兵征明圍錦州圖那同鄂謨克圖擊明松山馬兵兩戰俱捷八月又敗明經略洪承疇步兵三

營及馬兵一隊英親王阿濟格駐兵杏山河岸明寧遠兵來伺探圖那同前鋒統領努山追擊至連山殺三十人獲馬三十匹旋往視寧遠壕塹同鄂謨克圖敗其馬兵明沙河所有兵五十人來探我馬羣即率兵逐之繼而明兵四百人來戰奮擊大敗之八年從貝勒阿巴泰征明遇明水總兵率眾拒戰同色黑追殺之順治元年隨豫親王多鐸南征追流賊至潼關賊自山上迎戰同雅賴布當奇理破之又從固山額真公圖賴敗賊於山上同勞罕敗賊追兵二陣賊眾

乘夜來犯我營。同雅賴敗之於壕邊。二年。與布當奇理雅賴等攻克揚州府城。五月。從貝勒博洛趨杭州。同鄂碩費揚古敗偽大學士馬士英之兵於城外。又同勞罕擊偽楊軍門於蘇州府。俘十二人。東攻松江府。不俟雲梯。首先登城。克之。三年。敘功。授牛朵章京世職。七年。九年。三遇單恩。加為二等阿達哈哈番。十六年。從征偽晉王李定國。力戰陣亡。子尼耶和承襲。圖那之弟沙慕賽襲父卓爾糾拜他喇布勒哈番世職。順治七年。九年。三遇

恩詔。加至二等阿達哈哈番。十一年。從征偽魯王。至浙江舟山。隨寧海大將軍宜爾德及梅勒章京庫祿古。擊敗偽英毅伯阮思等。海船一百餘隻。復同委署燾章京尼雅達。擊敗偽總制陳六御等。以功加世職為一等阿達哈哈番。隨西佛滿洲正白旗人。初任甲喇章京。天命六年。

太祖高皇帝征明。攻瀋陽。於正藍旗所轄汛守。遇敵。力戰陣亡。尋議卹。授備禦世職。以其孫禪泰襲。同旗有屯泰者。

國初以分得撥什庫。隨大兵征明。至山東。奮勇跳城中傷。歿於敵。賞男婦各一口。馬七匹。

郭科。滿洲包衣正白旗人。姓羅氏。世居占尼合羅地方。原係半個前程世職。

國初隨大兵攻沙嶺。挖頽其城。以功授牛朶章京世職。崇德二年。從征皮島戰歿。同旗有翁克者。任擺牙喇甲喇章京。兼牛朶章京。天命六年。從征明錦州。力戰陣亡。又有阿特達者。姓覺羅氏。世居覺爾察地方。

國初任牛朶章京。隨大兵征寧古塔城。力戰陣亡。西拉圖者。阿特達之第三子也。歷任擺牙喇甲喇章京。天聰十年。隨英親王阿濟格征朝鮮。崇德二年。在皮島戰歿。又有弼雅達者。亦以牛朶章京。從征朝鮮陣亡。

殷達護奇。滿洲正白旗人。早從征伐。屢立戰功。尋緣事革職。天聰三年。從大兵征明。攻遵化城。第二次雲梯未至。卽率第三次雲梯奮勇登城。中傷而歿。八年議卹。授牛朶章京世職。以其兄安塔慕襲。同旗有多理善者。天聰三年。隨大兵征明。攻遵化城。奮勇先登。遂克其城。授備禦世

職三分之一。八年從征明。由大同入邊。攻堡陣亡。遂加授世職為牛錄章京。以其弟宜色庫承襲。又有渾達善者。原任擺牙喇壯尼大。天聰三年亦從征明。克遵化州。至薊州地方。對敵陣亡。又有喀爾哈那者。原係護軍校。隨

太宗文皇帝水圍舟覆。喀爾哈那下水救護有功。給與

重賞。仍卽補分得撥什庫。天聰八年。隨大兵征山西大同。擊賊陣亡。

郝福。滿洲正白旗人。

國初。以委署甲喇章京。往守所得山寨。同朱瑪喇

舒書。海塔巴圖魯等。先後招服山寨八處。又率本甲喇十五人。攻克駱駝山山寨。獲壯丁十人。因駐守之。有敵兵四百乘夜來犯。率本甲喇二十四人抵戰。殺敵七人。敵稍却。會碩詹至。同往追斬二百四十人。獲馬十六匹。崇德七年。隨鄭親王濟爾哈朗。克錦州關廂。任左翼帥。防守山城。敵兵來犯我汛地。率兵射退之。敵兵又攻我。正藍旗汛地。助擊却之。再戰。遂歿於陣。敵亦退。本翼兵得無損。尋敘功。贈牛錄章京世職。以其弟之子魁齊承襲。順治七年九年三遇

八旗通志 卷二百三十三
恩詔。加至二等阿達哈哈番。十一年魁齊從寧海大將軍宜爾德。征偽魯王。至浙江舟山。擊偽英毅伯阮思。同梅勒章京庫祿古敗之。偽總制陳六御及阮思。張洪德等。又擁兵三萬。駕船二百。陳於海上。魁齊隨委署燾章京尼雅達擊破之。以功加世職爲一等阿達哈哈番。緣事革退本身所得世職。以其伯父郝福之拜他喇布勒哈番。與其兄之孫長明襲。長明於康熙二十年。從征南大將軍賴塔。由廣西進雲南。勦逆孽吳世璠。敗偽將軍何繼祖。張光先等。奪石門坎黃草壩。至

雲南城下。會同二路大兵。平定逆孽。並在事有功。二十五年議敘。加一拖沙喇哈番。

胡什布。滿洲正白旗人。天聰八年。以壯尼大。從大兵征明。圍大同。攻克關廂。復奮勇進攻大城。中火礮而歿。師還議卹。贈半個前程。以其子富達理襲。順治七年九年三遇。

恩詔。加爲拜他喇布勒哈番。又加一拖沙喇哈番。十年。從征湖南。至全路。擊偽秦王孫可望敗之。十五年。從梅勒章京噶褚哈等征貴州。十六年六月。凱旋。至江南。值海賊鄭成功陷鎮江瓜州。來犯。

江寧富達理隨噶褚哈入城。助本地官防守。七月。各路援兵齊集。大破賊衆。事平還京。十七年。議功。加世職爲三等阿達哈哈番。

珠三。滿洲正白旗人。姓李佳氏。世居札坤木地方。初任牛录章京。屢從征伐有功。崇德二年。從攻皮島。首先乘舟渡海迎敵。我後軍失援。登岸戰歿。贈拜他喇布勒哈番。以弟努三襲。屢遇

恩詔。加爲二等阿達哈哈番。努三初任牛录章京。從征大同。隨睿親王多爾袞略地至五台山。攻一上壘不下。睿親王令再攻之。努三立雲梯。使人緣

而上。爲敵所殺。乃身越衆緣者以登。繼至無人。亦爲敵所殺。睿親王給衣馬收葬之。又賞銀三百兩。凡督戰者自登城。向例不與議敘。故未及議卹焉。其第三弟蘇三。初管牛录章京事。崇德五年。圍錦州。伏兵於松山。殺三人。擊明經略洪承疇松山騎兵。敗敵四次。守杏山時。捉生於寧遠。殺三騎。率前鋒捉生於塔山。殺五人。伏兵於杏山。殺十騎。八年。從征明。至山東。攻濟南府。擊明太監馮永盛兵。敗之。順治元年。從睿王多爾袞入山海關。擊流賊。復追至慶都縣。以功授牛

叅章京世職。卒。以其弟努三之子舒書承襲。遇恩詔。加一拖沙喇哈番。同旗有拜台朱者。崇德二年。從貝子顧託等征明。攻皮島。力戰陣亡。尋議卹。授半個前程。以其子阿谷藍襲。

覺羅雍貴。滿洲正白旗人。崇德三年。從征明。擊明吳總兵步兵。同阿格善首先陷陣有功。又往埋伏。遇敵兵百。斬二人。生擒一人。又擊通州河兵敗之。五年。從征明圍錦州時。隨甲喇章京希爾根。擊敗明松山杏山等處馬步兵。七年。圍錦州。明兵來犯我紅衣礮兵。雍貴擊敗之。又同宜

爾德。擊敗明軍門洪承疇三營馬步兵。復冒雨率本甲喇兵。擊敗明松山馬兵。明兵夜遁。又率本甲喇兵。先往塔山堵截。大敗之。尋有令挖壕圍松山。敵兵夜犯鑲黃旗汛地。雍貴同宜爾都齊。奮勇擊敗敵兵。復以步戰破敵。八年。征明寧遠。隨甲喇章京額爾壁赫敗敵。進攻前屯衛。於紅衣礮擊破城處。以第五人登城戰歿。尋議卹。贈牛叅章京世職。以其兄穆成格承襲。順治元年。穆成格隨豫親王多鐸。破流賊於潼關。平定河南江南。每戰領纛先入賊陣。所向有功。加世

八旗通志 卷二百二十二
職爲三等阿達哈哈番。七年九年三遇

恩詔。加至一等阿達哈哈番。子吳錫。初任佐領。後襲伊

父之三等阿達哈哈番。康熙十九年。隨征南大將軍賴塔。征逆孽吳世璠。二十年正月。破僞將軍何繼祖。王有功。張光先等。於石門坎。尋奪黃草壩。直抵雲南城。平定逆孽。並在事有功。二十五年議敘。加世職爲二等阿達哈哈番。

羅多理。滿洲正白旗人。姓佟佳氏。世居查昆木地方。崇德五年。以閒散章京從征明。圍錦州。攻其關廂。奮勇先登。克其外城。七年。圍錦州時。擊

松山兵。燾章京阿濟格尼堪墜馬。羅多理卽以已馬與乘。復進戰。敵兵敗走。順治元年。從豫親王多鐸南征。擊潼關流寇。同甲喇章京勞漢布當奇理。大敗賊衆。賊兵夜犯我營。復擊敗之。又擊破流賊步兵營。同賴塔連戰皆捷。尋敘功。授半個前程。二年。至江南。同蘇爾泰往取高淳縣。遇敵兵三千來拒。奮擊敗之。三年二月。隨貝勒博洛往平福建。至延平府河岸小嶺。同噶布什賢章京弼牙塔敗賊。六年。從征叛鎮姜瓖。圍大同。中烏鎗而歿。尋議卹。授拜他喇布勒哈番世

職以其兄之子羅什襲。同旗有胡通格者。姓奇塔喇氏。世居長白山韓齊喀尼雅爾馬堡地方。崇德八年。以噶布什賢從征明。至山東。攻臨清城。先登戰歿。授牛录章京。世職。以其子克楚襲。甘他哈。滿洲正白旗人。崇德八年。以委署擺牙喇甲喇章京。從貝勒阿巴泰征明。同勞漢等擊敗明吳總兵。順治元年。隨英親王阿濟格征流賊。至綏德州。敗之。又敗之於延安府。二年。追流賊至湖廣武昌府。偽田侯劉侯統馬步兵四千來戰。同蘇達敗之。追至九公山。又同查塔破其

第二營。五年。隨英親王阿濟格征曹縣土寇。攻城時。中火礮而歿。八年。卹贈拖沙喇哈番。以其子噶思海承襲。九年。兩遇

恩詔。加為拜他喇布勒哈番。又一拖沙喇哈番。十一年。

從寧海大將軍宜爾德。征偽魯王。至浙江舟山。擊偽總制陳六御。偽英毅伯阮思等於海上。同委署纛章京尼雅達等。敗其眾。并獲船隻。以功加世職。為三等阿達哈哈番。十四年。從世子濟度。征福建海寇鄭成功。破賊船六百餘於廈門。康熙十七年。隨征逆藩吳三桂。至湖廣。偽將軍

馬寶。胡國柱等統兵三萬攻永興。噶思海力戰陣亡。二十二年以其弟之子富海襲其世職。二十五年追敘噶思海死事功。又加一拖沙喇哈番。

胡爾班。滿洲正白旗人。姓汪佳氏。世居訥圖地方。崇德八年從大兵征明。用雲梯攻霸州。繼噶尼後以第二人登城拔之。

賜巴圖魯號。授牛叅章京世職。順治元年五月隨固山額真葉臣往征山西。取太原府。敗流賊。斬偽總兵一員。副將三員。二年隨英親王阿濟格征流

賊。至陝西延安府。賊乘夜出城來犯。胡爾班同胡世納。賈隆阿擊走之。延安府東臺。章京哈爾漢鄂本陷賊。胡爾班同鄂穆索科殺入賊陣。二次先後覓其屍以還。延安府賊奔出城。同馬習等率步兵四十名追擊。兩戰皆捷。復率兵敗賊於綏德州。追至湖廣武昌府。擊偽田侯呂侯敗之。三年從征福建。破偽黃總兵。有吳總兵不遵令薙髮。拒戰隘口。胡爾班以步戰破之。又敗偽陳副將等。五年從征南大將軍譚泰。征江西叛鎮金聲桓。賊將郝善領兵萬餘來犯我營。胡爾

八旗通志 卷二百二十二
班隨大兵擊敗之。至南昌府。焚賊船七百。獲船十。僞建武侯王得仁。犯我鑲黃旗壕塹。胡爾班往援。敗其衆。六年。僞克國公率馬步二萬衆。寇贛州。立寨於徐嶺。胡爾班隨梅勒章京進勦。連破其五營。賊僞惠國公李成棟。率兵二千。渡江。奔逃。復邀擊敗之。七年。九年。三遇。

恩詔。加世職至二等阿達哈哈番。十一年。從靖南將軍朱瑪喇征廣東。敗僞安西王李定國於新會縣之左邊山上。又破其山峪內賊兵四萬。十三年。敘功。加世職爲一等阿達哈哈番。兼一拖沙喇。

哈番。尋歿。子卓泰襲。卓泰卒。子卓山襲。康熙十三年六月。卓山從定西大將軍貝勒董額。征逆藩吳三桂。叛將洪福犯均州。卓山隨副都統德業立。敗之於武當山。十四年閏五月。隨貝勒董額。同孫思克等圍秦州。僞總兵七員。率一萬餘賊。從四川及平涼等處來援。城內賊兵八千。欲向外衝突逼戰。卓山率本旗兵力戰。是日。賊又跨山溝列營相拒。卓山隨大兵三敗其衆。平涼援賊遁回。追擊至嚴關。敗其馬步二千有餘。六月。進攻平涼。叛鎮王輔臣之子王繼正。率兵萬

餘來戰。自巳至未。大殲其衆。二十年三月。隨征南大將軍賴塔等。兵至雲南省城。營於歸化寺。敗逆孽吳世璠。偽將軍胡國柄等。在事有功。雲南平。議敘。加世職一拖沙喇哈番。三十五年。從征厄魯特噶爾丹。由西路進兵。隨撫遠大將軍伯費揚古。敗賊於昭莫多地方。五十二年。議敘。加世職爲二等阿思哈尼哈番。五十三年卒。銷去。

恩詔所得之官。以其子德壽襲一等阿達哈哈番世職。

格布庫。滿洲正白旗人。姓民覺羅氏。世居雅爾

虎地方。順治元年。以擺牙喇甲喇章京從睿王多爾袞入山海關。擊敗流賊。追至慶都縣。復同燾章京阿濟格尼堪敗之。二年。議功。授牛录章京世職。三年。隨肅親王豪格征四川。擊流賊入大王張獻忠敗之。又同蘇拜擊敗流賊第一營步兵。賊自右翼下山來犯。復同蘇拜率本甲喇兵敗之。又隨固山額真準塔巴圖魯擊賊左翼。并其右翼敗之。正藍旗固山兵被賊所困。卽隨燾章京蘇拜阿爾津。噶達渾往援。中箭歿於陣。五年。議卹。由拜他喇布勒哈番。加一拖沙喇哈

番以其子關布襲。魏黑者關布之兄也。繼伊弟關布襲三等阿達哈哈番世職。順治十一年。從征僞魯王。至浙江舟山。僞總制陳六御等賊三萬餘衆。乘船二百隻來拒。魏黑隨寧海大將軍宜爾德擊敗之。康熙十三年。從征逆藩吳三桂。至湖廣彝陵州。與僞將軍劉之復等力戰陣亡。加贈爲二等阿達哈哈番。以其兄之子碩色襲。干泰。滿洲正白旗人。姓瓜爾佳氏。世居虎爾哈地方。順治二年。隨燾章京熬拜巴圖魯追流賊至揚子江。遇賊船。先登擒賊。身被重創。三年。隨

平南大將軍勒克德渾征湖廣。招降荊州府流寇馬步兵千餘。五年。隨英親王阿濟格征山東曹縣土賊陣亡。卹贈拖沙喇哈番。同旗有代納者。姓巴牙爾氏。世居倭吉地方。屢從征伐有功。順治二年。從定國大將軍豫親王多鐸南征。攻揚州。乘紅衣礮擊破城處。奮勇先登。中傷而歿。三年。議敘。贈牛彛章京世職。以其伯父之子布爾固承襲。

哈爾巴。滿洲正白旗人。姓民覺羅氏。世居雅爾虎地方。順治三年。以壯尼大。從德豫親王多鐸

往追騰機思。同巴顏擊碩羅汗兵敗之。五年。從征南大將軍譚泰。征江西叛鎮金聲桓。以雲梯攻九江府。首先登城克之。

賜巴圖魯號。授三等阿達哈哈番。七年。九年。三遇

恩詔。加至一等阿達哈哈番。十一年。從定遠大將軍濟

度。征福建海賊鄭成功。賊兵十餘萬來奪我紅

衣礮。哈爾巴隨大兵擊敗之。又連敗其眾。旋用

紅衣礮攻海澄縣。中鳥鎗歿於軍。十二年。議卹。

由一等阿達哈哈番。加一拖沙喇哈番。以其弟

滿都襲。滿都於順治十一年。從征浙江舟山。隨

寧海大將軍宜爾德。破偽英毅伯阮思。又敗偽

總制陳六御等。十四年。議功。由一等阿達哈哈

番。兼一拖沙喇哈番。加為三等阿思哈尼哈番。

弟德特黑。初任一等待衛。康熙十三年。從征逆

藩耿精忠。至浙江。敗偽總兵張袁兆等。又於布

園村地方。擊偽總兵沈思上等。敗之。十二月。偽

總兵徐尚朝。馮公輔等。率賊四萬人。犯金華。在

積道山下。修立木城拒敵。德特黑隨都統巴雅

爾。敗之。又敗之於縉雲縣地方。偽都尉連登雲

等。率賊五千。會同偽總兵徐尚朝等五千餘賊。

八旗通志 卷二百二十二
在處州府河陳灘頭地方拒敵。德特黑隨副都統馬哈達敗之。又敗之於水南。僞將軍馬九玉率賊二萬據草坪地方。德特黑隨平南將軍賴塔擊敗之。又敗僞將軍牛武維。僞總兵林騰等於東石地方。奮勇爭先。立有戰功。十九年。隨征南大將軍賴塔。征逆孽吳世璠。由廣西進雲南。二十年正月。擊僞將軍何繼祖。王宏勳等。於石門坎隘口。破之。克黃草壩地方。至雲南城。隨三路大兵。平定雲南。尋病歿於軍。二十五年。議敘。授拜他喇布勒哈番。兼一拖沙喇哈番。以其子

安泰襲。其族人。有巴爾喀者。初任員外郎。兼理旗下夸蘭大事。康熙十四年。從征察哈爾布爾尼。在大魯地方。連敗賊二次。俱奮勇力戰。以功授拖沙喇哈番。病故。子章存兒承襲。又有舍格者。康熙十五年。以六品官。從征逆藩吳三桂。至江西吉安府。與賊力戰。中鳥鎗陣亡。卹贈拖沙喇哈番。

索博多。滿洲正白旗人。姓傅察氏。世居東海之愛滿地方。父色木忒赫。於國初來歸。授牛錄章京。索博多初襲父牛錄職。屢

八旗通志 卷二百三十一
從征伐。以功授半個前程。順治七年九年三遇恩詔。加爲拜他喇布勒哈番。隨將軍巴三勦海寇。至松江。距崑山城二十里。生擒賊將一人。十六年。海賊鄭成功。親統其衆犯瓜州。索博多力戰陣亡。尋議卹。加世職一拖沙喇哈番。順治五年。從邁圖。滿洲正白旗人。初任二等轄。順治五年。從征山東。在鋸齒山岩。擊破賊首蔣正綱。十五年。隨信郡王多尼。征僞桂王。至貴州。敗僞侯李成蛟於涼水井。僞晉王李定國。在雙河口拒敵。復擊破其衆萬餘。至魯噶地方。定國立寨拒戰。復

擊敗之。康熙十三年。從征逆藩耿精忠。至浙江。敗僞總兵劉秉仁於半山嶺。十五年。進克建陽縣關廂。擊走僞王總兵三千餘衆。海寇僞總督趙得勝。僞將軍何佑等。統兵四萬。在太平山連札二十六營。我軍分頭前進。追殺至城下。從旁栢木山。伏賊萬餘。齊發。並攻敗之。十六年。敗何佑等兵於泉州府。又擊僞將軍劉國軒。吳淑等。於蜈蚣山。敗之。並在事有功。二十五年。敘功。授拖沙喇哈番。二十九年。從征厄魯特噶爾丹。在烏蘭布通地方。擊賊力戰陣亡。子馬喇襲職。三

十年追卹。加世職爲三等阿達哈哈番。

海魯渾。滿洲正白旗人。初任壯尼大。順治十一年。從寧海大將軍宜爾德。征浙江舟山。擊僞英毅伯阮思。隨梅勒章京庫祿古敗之。又隨委署燾章京尼雅達。敗其僞總制陳六御。以功授拖沙喇哈番。十四年。從定遠大將軍世子濟度。征福建海寇鄭成功。戰於廈門陣亡。康熙二年。議卹。加贈拜他喇布勒哈番。仍兼一拖沙喇哈番。以其子周錫承襲。同旗有多莫興阿者。姓瓜爾佳氏。世居尼馬查哈地方。初任擺牙喇甲喇章

京。順治十六年。隨安南將軍內大臣達素。征海寇至福建。攻廈門地方。與賊力戰陣亡。尋議卹。贈拜他喇布勒哈番。以其兄之子德清厄襲。又有鄂滿者。亦以擺牙喇甲喇章京。隨達素征海寇。越八固山兵。先登廈門陸地。戰歿。亦贈拜他喇布勒哈番。與其子那木齊襲。又有鄂爾布者。原係前鋒校。崇德七年。隨大兵征明錦州。立有戰功。順治十六年。從征福建。在廈門與鄭成功賊兵力戰敗之。獲僞印一顆。再與賊戰。遂亡於陣。卹贈一拖沙喇哈番。又有巴蘭者。姓傅察氏。

世居蘇完地方。順治十六年。以擺牙喇壯尼大
隨征海寇。至福建。攻廈門時。在頭船與賊力戰
陣亡。卹贈一拖沙喇哈番。又有鄂黑瑪庫者。姓
瓜爾佳氏。世居烏喇地方。順治十六年。隨安南
將軍內大臣達素。都統索渾。征海寇。鄭成功。至
福建同安縣廈門地方。與賊力戰陣亡。尋議卹。
贈拖沙喇哈番。又有海通阿者。姓卜雅齊氏。世
居哈達地方。順治十六年。隨安南將軍內大臣
達素。征海寇。至福建廈門地方。與賊力戰陣亡。
尋議卹。贈拖沙喇哈番。以其子拴柱襲。又有尹

德禮者。初任六品官。充護軍校於順治十七年。
從安南將軍宗室羅託。征福建海寇。鄭成功。攻
廈門地方。陣亡。卹贈拖沙喇哈番。又有倪什哈
者。原任擺牙喇甲喇章京。亦以隨征福建廈門
擊賊陣亡。又有穆雅納者。順治十六年。以擺牙
喇壯尼大。從內大臣達素。征福建海寇。在同安
縣地方。力戰陣亡。

胡陞阿。滿洲正白旗人。順治十五年。隨安南將
軍內大臣達素。固山額真索渾。征福建海寇。攻
廈門。賊渠鄭成功。率船六百隻拒敵。胡陞阿同

噶布什賢章京噶布喇擊敗之。又差征蓋山寺。與賊相遇。力戰陣亡。卹贈拖沙喇哈番。以其弟索博色襲。同旗有達都護者。初任壯尼大。駐防湖廣靖州時。瀘溪縣地方。有賊王嘉郭甲作亂。達都護同噶布什賢章京濟哈里等擊敗之。順治十六年。從征福建海賊。攻廈門。同噶布什賢轄阿思哈等擊敗賊衆。旋差往蓋山寺。遇賊力戰陣亡。卹贈拖沙喇哈番。以其子伊沙納襲。馬魯滿洲正白旗人。初襲拜他喇布勒哈番。任內閣學士。順治十二年。隨大兵征湖廣。十五年。

擊荊州賊兵。力戰陣亡。議卹。加一拖沙喇哈番。以其子邁蘭承襲。後邁蘭從征。又自立戰功。再加一拖沙喇哈番。遂併爲三等阿達哈哈番。同旗有海住者。姓孟氏。世居葉赫地方。任噶布什賢壯尼大。順治九年。隨敬謹親王尼堪征湖廣。在衡州府地方。力戰陣亡。又有色爾敏者。亦以擺牙喇壯尼大。隨敬謹親王征湖廣。在武岡州力戰陣亡。

達爾布滿洲正白旗人。姓吳札喇氏。世居黑龍江地方。初充噶布什賢爲軍前哨。早從征討。屢

立軍功。選授二等侍衛。尋陞擺牙喇甲喇章京。順治九年。隨定遠大將軍敬謹親王尼堪。征湖廣。至衡州。王戰歿。達爾布奮不顧身。力戰。中火礮。亦歿於陣。子張祿。初亦充噶布什賢。有勇力。每當賊兵營陣。奮身先入。功績甚多。康熙二十九年。隨撫遠大將軍裕親王福全。征厄魯特噶爾丹。八月。與賊戰於烏蘭布通。中頭等傷。因陞前鋒校。旋擢前鋒侍衛。三十五年。復從撫遠大將軍伯費楊古。由西路進勦噶爾丹。戰於昭莫多地方。奮勇衝殺。大敗賊衆。因得重傷。幾死。復

甦。凱旋。陞任駐防江寧佐領。五十六年。以傷發卒。

聖祖仁皇帝憫其効力行間。因傷致歿。准照陣亡例。給恩賞銀三百兩。子查爾扈。武進士。現任荊州副都統。

吳爾護。滿洲正白旗人。姓唐古氏。世居哈達地方。順治十四年。以委署分得撥什庫。隨定遠大將軍世子濟度。征福建海寇鄭成功。至蓋山寺前。賊列船六百餘隻拒敵。吳爾護力戰陣亡。尋議卹。贈拖沙喇哈番。康熙二年。以其弟華色承襲。十五年。華色隨撫遠大將軍圖海。至陝西平

八旗通志 卷二百三十三
涼。敗叛鎮王輔臣之子王繼正。馬步兵萬餘。繼正又合各僞總兵。在護山墩拒戰。又大敗之。奪其墩。二十年。隨大兵至雲南。平逆孽吳世璠。敘功。加世職。爲拜他喇布勒哈番。

齊藍布。滿洲正白旗人。姓修和理氏。順治十五年。以擺牙喇章京。從征僞桂王。至貴州雙河口。遇僞晉王李定國等。率萬衆逆戰。齊藍布隨信郡王多尼進擊。連敗之。康熙十四年。隨征逆藩耿精忠。至江西。追僞都督易天錫。至建昌府城。力戰陣亡。二十五年。卹贈拖沙喇哈番。以其子

吳格承襲。同旗有倪堪者。姓張佳氏。世居瓜爾察地方。初以拖沙喇哈番世職管甲喇章京。順治十二年。隨征貴州。在魯噶地方。與僞晉王李定國戰。中傷。後因傷發身故。以陣亡例。給賞銀七百兩。

孔克德。滿洲正白旗人。姓伊爾庫勒氏。世居訥洛科洛尼地方。順治十五年。以委署固山大。從征僞桂王。至貴州。敗僞侯李成蛟於涼水井。進魯噶地方。僞晉王李定國拒戰。隨大兵破之。復隨信郡王多尼等。三路大兵追定國。至雲南磨

八旗通志 卷二百三十三
盤山。敗其六千餘衆。十八年。隨征東將軍季什哈。征山東土賊。擊破賊渠殷秉瑚。又破大寨山賊孫小五。王節祥。蕭五等。康熙十四年。從征逆藩耿精忠。至浙江。僞將軍馬九玉。姜元勳等。率衆五萬。拒敵於衢州。孔克德力戰陣亡。二十六年。議卹。贈拜他喇布勒哈番。以兒子胡里布承襲。

鈕黑。滿洲正白旗人。姓民覺羅氏。世居雅爾湖地方。順治十五年。以擺牙喇甲喇章京。從征僞桂王。至貴州。敗僞侯李成蛟。進至雙河口地方。

僞晉王李定國。率僞侯四。僞伯二。賊兵萬餘。列象隻來拒。復擊敗之。又敗賊於普安州。並在行間有功。康熙二十九年。從征厄魯特。至烏蘭布通地方。擊賊歿於陣。卹贈拖沙喇哈番。以其兄之子鍾新泰襲。同旗有巴式者。初任護軍校。康熙二十九年。以委署副叅領。隨撫遠大將軍裕親王福全。出征厄魯特。在烏蘭布通地方。擊賊陣亡。又有卓爾敦者。姓穆爾察氏。世居穆倫地方。原任員外郎。緣事革職。於是役。以廢官。隨裕親王出征厄魯特。在烏蘭布通擊賊陣亡。又有

寶柱者。姓唐氏。世居查坤木地方。與同旗人狄爾球。並於是役以廢官從征。在烏蘭布通擊賊陣亡。給賞如例。又有金布者。亦係廢官。隨裕親王出征。在烏蘭布通地方。擊賊陣亡。給

恩賞銀一百五十兩。

諾羅布。滿洲正白旗人。原係鄂爾多斯濟農之族。其兄索諾木塔護喇海。

國初來歸。授三等甲喇章京。世職。諾羅布於順治

七年襲兄職。九年連遇

覃恩。加為一等阿達哈哈番。又一拖沙喇哈番。十六年。

隨信郡王多尼。征偽桂王。至雲南。圍元江府。偽帥馬秉忠孫應斗等。率兵三千來犯我左翼壕塹。諾羅布擊敗之。康熙十三年九月。隨定南將軍希爾根。征逆藩耿精忠。至江西。圍撫州府。賊出城來拒。諾羅布力戰陣亡。二十五年議卹。加贈為三等阿思哈尼哈番。以其子昂安巴承襲。雅布色。滿洲正白旗人。初任護軍校。順治十七年八月。從定西將軍愛星阿。征偽晉王李定國。十八年至雲南。追定國至緬甸。康熙元年。獲偽桂王。十四年。隨定西大將軍董額。征叛鎮王輔

臣攻秦州城。賊援兵至。內外夾攻。雅布色力戰陣亡。二十二年議卹。贈拖沙喇哈番。以其子保住承襲。同旗有祿譜查者。原係署護軍校。亦隨董額出征。於軍前委署章京。在陝西秦州地方。擊賊陣亡。卹贈一拖沙喇哈番。以其子索柱承襲。又有阿寧阿者。亦以康熙十三年。以委署前鋒叅領。隨胡禮布出征。至陝西秦州地方。擊賊陣亡。給賞銀二百兩。

巴渣立。滿洲正白旗人。姓波羅軍氏。世居阿布海克勒倫地方。其祖色冷。於國初來歸。授二等甲喇章京。世職。順治二年卒。以子富爾丹承襲。七年九年三遇

恩詔。加至三等阿思哈尼哈番。卽巴渣立之父也。十八

年。巴渣立始襲職。康熙十七年。隨都統二等伯宜禮布等。征逆藩吳三桂。至湖廣。有王國佐等三僞將軍。從攸縣。率眾一萬餘來攻永興。僞帥胡國柱。馬寶等。又率二萬餘寇犯我河外營。三面攻擊。巴渣立力戰陣亡。二十五年。卹贈一拖沙喇哈番。合原世職。為二等阿思哈尼哈番。以其弟巴賞承襲。

倭和納滿洲正白旗人。康熙三年。以六品官從定西將軍圖海等征湖廣流寇。攻茅麓山。至長羅嶺。賊首李來亨之子領兵四千來戰。擊敗之。至茅麓山。山之上下賊兵同來拒戰。復擊敗之。李來亨據上望坪地方。統賊五千分八路迎戰。連敗其衆。倭和納在行間並有功。十六年。從征逆藩吳三桂至廣東。僞將軍馬寶等據韶州。依山爲寨。連結五營。倭和納率官兵進戰陣亡。二十五年。卹贈拖沙喇哈番。以其子那拉泰承襲。席特庫滿洲正白旗人。康熙十三年。以委署牛

象章京。從征逆藩耿精忠。至浙江。擊敗僞何千總之兵於石梁。僞都督周烈犯衢州。隨平南將軍賴塔破之。十二月。僞總兵桑明。又犯衢州。復敗之於蕉園河岸。十四年。敗僞將軍馬九玉於繆村。十五年。從賴塔進福建。破僞總兵閔可孝。守備趙申等。於夏口。海寇鄭錦。遣僞帥許耀。聚衆三萬。札寨於小門山。隨賴塔進擊敗之。又敗之於真鳳山。十八年。海寇僞將軍劉國軒。統賊萬餘來犯海澄。席特庫力戰陣亡。二十五年。卹贈拖沙喇哈番。以其子佟阿承襲。

顏拜。滿洲包衣正白旗人。姓瓜爾佳氏。世居烏喇地方。康熙十三年。以六品官委署護軍校。隨征逆藩耿精忠至浙江。賊帥王宗仁。率二千餘賊兵。在諸暨縣河岸拒敵。顏拜隨副都統馬哈達。敗之。至義烏縣。有自福建來之偽龔都督等。率賊兵在山坑嶺拒敵。隨貝子富拉塔。進擊敗之。又偽都督周烈。偽總兵桑明等。在衢州府蕉園地方。率賊兵二萬餘來戰。隨平南將軍賴塔。敗之於紅橋地方。又敗偽將軍馬九玉等。十七年。敗海寇偽總督徐堯於烏龍江之小門山鎮。

又敗賊於鎮風山。破偽總督趙得勝於太平山。毀其二十餘營。又攻偽將軍何猷。徐堯。吳順等。於泉州府。遂破其城。並在事有功。旋追逐賊兵於祖頭山。力戰陣亡。從優卹。贈一拜他喇布勒哈番。

胡鈕。滿洲正白旗人。初任護軍校。康熙十三年。隨西安將軍瓦爾喀。署前鋒統領。穆占。征逆藩吳三桂。由陝西進四川。三月至野狐嶺。賊兵樹紅纛誘戰。林內伏兵千餘人突出。並擊敗之。抵陽平關。偽葉總兵率衆萬餘立寨山頂。仰攻克。

之。僞總兵石遵禮統兵一萬七千拒守朝天關。連結三十餘營。五月。隨穆占進擊破之。克其關。十四年。與漢總兵官王懷忠敗賊於娘娘廟。張飛廟。槐樹驛。梅嶺等處。胡鈕並在事有功。又從定西大將軍董額攻秦州。適城外賊兵來援。夾攻我營。胡鈕力戰陣亡。十六年。敘卹。贈拜他喇布勒哈番。以其子丹布承襲。顏布者。亦胡鈕之子也。初襲其兄丹布所襲之拜他喇布勒哈番世職。康熙二十年。從征南大將軍賴塔。征逆孽吳世璠。由廣西進雲南。破賊將何繼祖等。奪石門坎。破黃草壩。至雲南省城。平定逆孽。並在事有功。二十五年。議敘。加一拖沙喇哈番。

孔吉納。滿洲正白旗人。姓他塔喇氏。世居查昆木地方。初任護軍校。康熙十三年。部委副章京。隨定西大將軍貝勒董額。由陝西進征逆藩吳三桂。十四年。至秦州。城內賊馬步兵千餘衆。來犯鑲黃旗步兵營。孔吉納率本甲喇兵助擊敗之。是年閏五月。復與賊戰於秦州。陣亡。卹贈拖沙喇哈番。同旗有賽音達禮者。姓佟佳氏。亦世居查昆木地方。初任護軍校。康熙十四年。征吳

逆。隨前鋒統領穆占。由陝西進兵。是年閏五月。在秦州山上遇賊。力戰陣亡。卹贈拖沙喇哈番。以其孫巴爾達襲。又有伊成額者。姓來布氏。世居長白山地方。康熙十三年。以刑部郎中。隨經畧莫洛。往征逆藩吳三桂。由陝西進四川。至畧陽。莫洛爲叛鎮王輔臣所害。伊成額仍留軍前。十五年。與賊戰於成都。陣亡。卹贈拖沙喇哈番。博爾屯。滿洲正白旗人。原係護軍校。康熙十三年。隨征逆藩吳三桂至四川。攻保寧盤龍山地方。擊賊力戰陣亡。卹贈一拖沙喇哈番。同旗有

西桑阿者。原係護軍校。康熙十三年。隨副將軍護軍統領胡里布。征逆藩吳三桂至陝西。攻盤龍山。擊賊陣亡。卹贈一拖沙喇哈番。

墨黑納。滿洲正白旗人。初任一等待衛。兼管叅領事。康熙十三年。隨內大臣希爾根。征逆藩吳三桂至湖廣。十五年九月。與賊兵戰於醴陵縣。陣亡。卹贈拜他喇布勒哈番。以其子色貝襲。同旗有阿納布者。康熙十三年。以護軍校。隨順承郡王勒爾錦。征逆藩吳三桂。至湖廣彝陵地方。擊賊王延善中傷。授拖沙喇哈番。師旋。任

陵上章京。康熙三十七年。傷發故。照陣亡卹賞。又有通安者。姓他塔喇氏。世居查昆木地方。初任護軍叅領。康熙十三年。隨都統巴爾布。征逆藩吳三桂。至湖廣荊州府。擊賊陣亡。尋議卹。贈拖沙喇哈番。以其孫哈喇襲。

艾他。滿洲正白旗人。姓舒穆魯氏。世居渾春地方。初任護軍校。康熙十三年。委署護軍叅領。隨平寇將軍根忒巴圖魯。征逆藩耿精忠。五月十六日。在江西撫州府鍾家嶺擊賊陣亡。卹贈拖沙喇哈番。以其孫阿贊襲。同旗有計柱者。康熙

十四年。以七品官。隨征逆藩吳三桂。至江西。與偽將軍韓大任。戰於吉安螺子山。陣亡。二十五年。卹贈拖沙喇哈番。以其叔父之子牙法那承襲。又有那凱者。姓民覺羅氏。世居雅爾虎地方。康熙十五年。以委署叅領。隨定遠平寇大將軍安親王岳樂。往征逆藩吳三桂。至江西袁州府萍鄉縣來龍山地方。擊偽將軍夏國相。力戰陣亡。尋議卹。贈拖沙喇哈番。以其子那爾賽襲。又有恩圖者。姓吳查喇氏。世居黑龍江地方。康熙十五年。以七品官。委署叅領。隨定遠平寇大將

軍安親王岳樂征逆藩吳三桂。至江西萍鄉縣東來龍山。擊賊陣亡。

瓦爾達。滿洲正白旗人。康熙十四年。以委署護軍校。從征逆藩耿精忠。三月。至江西。敗偽都督易天錫於建昌府。又在千金坡。敗偽總兵楊三。李茂珠。至會浦。擊斬偽總兵朱一典。並在事有功。尋抵新昌縣。擊偽帥算國棟等。連戰皆捷。五月。隨定南將軍希爾根。敗偽將軍邵連登於建昌府之長興。十五年二月。隨安親王岳樂至萍鄉。破偽將軍夏國相李良棟等於來龍山。十八

年。至長沙府。用雲梯攻城。同黑圖冲先登。被傷歿。二十五年。議卹。贈拜他喇布勒哈番。以其弟之子華色承襲。同旗有照禮者。姓傅察氏。康熙十三年。以護軍隨安親王岳樂平定江西建昌府。及湖廣長沙府武岡州等處。屢戰有功。得賞銀五十兩。授護軍校。十四年。於江西景德鎮地方。擊賊陣亡。

黑圖。滿洲正白旗人。姓民覺羅氏。世居烏喇地方。康熙十四年。隨定遠平寇大將軍安親王岳樂。征逆藩吳三桂。至湖廣。攻長沙府城。越八旗

先登戰歿。卹贈拜他喇布勒哈番。以其叔父常太襲。同旗有錫寶者。世居董鄂地方。以地為氏。康熙十三年。以七品官。從征逆藩吳三桂。至湖廣宜都縣。賊將陶繼志等。率賊萬餘。船三百餘艘來戰。錫寶從護軍統領額司泰擊敗之。十五年。至長沙。與賊兵力戰陣亡。贈拖沙喇哈番。以其弟劉昌阿襲。又有武巴海者。姓瓜爾佳氏。世居朔尼地方。原係前鋒校。康熙十三年。隨大兵征吳逆。在湖廣長沙府。力戰陣亡。卹贈一拖沙喇哈番。以其子關保襲職。又有內西者。姓查喇

拉氏。世居烏喇地方。初任護軍校。康熙十五年。以委署章京。隨征南將軍穆占。征逆藩吳三桂。至湖廣。在長沙府擊賊陣亡。卹贈拖沙喇哈番。又有阿爾泰者。康熙十五年。以護軍校隨征南將軍穆占。由陝西往湖廣。征逆藩吳三桂。在長沙府擊賊陣亡。卹贈拖沙喇哈番。又有艾三者。任驍騎校。康熙十六年。從征南將軍穆占。征吳逆。至長沙府。授副參領。與賊戰。乘勝追至賊營。中礮石陣亡。卹贈拖沙喇哈番。又有哇濟麻者。初任護軍校。康熙十七年。從征逆藩吳三桂。至

八旗通志 卷二百二十二
湖廣。僞將軍吳應麒。廖進忠。馬寶等。率衆七萬。據岳州。哇濟麻。隨討逆將軍鄂內等。擊破之。旋與僞將軍胡國柱等。戰於長沙府陣亡。二十五年。卹贈拖沙喇哈番。以其子吳達禮承襲。又有吳哈納者。任陝西防禦。康熙十六年。隨征南將軍穆占。征逆藩吳三桂。至湖廣。在長沙府地方。擊賊陣亡。又有南岱者。姓于庫禮氏。世居空科巴賽地方。亦以前鋒校。隨將軍穆占。征湖廣。陣亡於長沙府。

滾泰。滿洲正白旗人。姓鈕胡祿氏。世居查昆木

地方。康熙十四年。以刑部郎中。隨將軍公泰。征逆藩吳三桂。至湖廣。十七年六月。在永興縣沿山嶺地方。與賊帥馬寶等。力戰陣亡。卹贈拖沙喇哈番。以其孫尚鄂立襲。同旗有阿蘭者。初任前鋒校。康熙十五年。隨征南將軍穆占。由陝西至湖廣。征逆藩吳三桂。十八年。在永興縣沿山嶺。與賊將胡國柱等。力戰陣亡。尋議卹。贈拖沙喇哈番。以其孫明德襲。又有外三者。康熙十五年。以六品官。從征陝西叛鎮王輔臣。至平涼城北。攻護山墩。敗輔臣子王繼正。是年。隨征南將

軍穆占往湖廣協征逆藩吳三桂。至永興縣沿山嶺地方。僞將軍馬寶胡國柱率衆拒敵。外三力戰歿於陣。二十五年議卹。贈拖沙喇哈番世職。又有尼雅漢者。姓何奢禮氏。世居納穆唐阿地方。初任護軍校。康熙十七年。亦從征吳逆。至湖廣永興沿山嶺地方。遇賊將馬寶胡國柱等率衆三萬來攻。尼雅漢力戰陣亡。二十五年。卹贈拖沙喇哈番。以其子莽吉利承襲。又有阿爾喀者。原係前鋒校。康熙十八年。隨征南將軍穆占。征逆藩吳三桂至湖廣。在永興縣地方。擊賊

陣亡。卹贈拖沙喇哈番。又有尼堪者。姓張佳氏。世居吉林烏拉地方。康熙十三年。以筆帖式。隨都統伊里布征吳逆。至湖廣永興縣沿山嶺地方。擊賊。力戰陣亡。卹贈拖沙喇哈番。又有賽音布者。姓索綽爾氏。世居葉赫地方。康熙十八年。以八品官。從征逆藩吳三桂至湖廣。戰於永興縣沿山嶺陣亡。卹贈拖沙喇哈番。

劉士英。滿洲包衣正白旗人。世居任邱縣小營村。

國初入旗籍。任陝西定邊營守備。康熙十四年。叛

人於通志 卷二百二十三
鎮王輔臣遣僞帥朱龍攻破定邊城逼令從逆。士英抗節不屈。同妻子自盡事。

聞。卹贈拜他喇布勒哈番。

布思泰滿洲正白旗人。初任杭州駐防閒散章京。康熙十四年。隨康親王傑書征逆藩耿精忠。僞將軍曾養性。同叛鎮祖弘勳等領賊萬餘來犯浙江之台州府。布思泰與戰於小梁山。歿於軍。二十五年。議卹。贈拖沙喇哈番。以其子布郎承襲。同旗有馬爾哈者。康熙十四年。亦以八品官從征逆藩耿精忠。至浙江台州小梁山。力戰

陣亡。三十年。卹贈拖沙喇哈番。以其子福壽承襲。

查爾敏滿洲正白旗人。姓那木都魯氏。世居綏分地方。初以拖沙喇哈番任駐防江寧佐領。康熙十四年。隨江寧將軍額楚征逆藩吳三桂。至廣東。與僞將軍馬寶戰於陳家山。陣亡。尋議卹。加贈爲拜他喇布勒哈番。同旗有叅度者。康熙十七年。以七品官從征逆藩吳三桂。至廣東。電白縣。遇僞將軍馬雄董仲民等迎擊。力戰陣亡。二十五年。敘卹。贈拖沙喇哈番。以其子德爾特

承襲。

倭詩。滿洲正白旗人。康熙十七年。以七品官。從征逆藩吳三桂。至湖廣。遇賊將杜輝。巴養元。江義等。率寇萬餘。列船百號。拒戰於洞庭湖。倭詩力戰陣亡。二十五年。卹贈拖沙喇哈番。以其子吳蘭承襲。同旗有包衣人尚志立者。康熙十年。以副將隨總督蔡毓榮。征逆藩吳三桂。至湖廣。十七年。在洞庭湖擊賊陣亡。卹贈拖沙喇哈番。又有色黑者。康熙十七年。以委署護軍叅領。從征逆藩吳三桂。至湖廣。與賊將馬寶。胡國柱。

等相拒。力戰陣亡。二十五年。卹贈拖沙喇哈番。以其子蔡保承襲。

海周。滿洲正白旗人。康熙二十年。以固山大。隨征逆孽吳世璠。在雲南擊賊陣亡。卹贈拜他喇布勒哈番。以其子胡立布承襲。同旗有六什者。以護軍校。隨征雲南。陣亡。卹贈拖沙喇哈番。以其子福壽襲職。又有阿哈立者。亦以從征雲南陣亡。卹贈拖沙喇哈番。又有阿布爾代者。原係部。委護軍校。康熙二十年。隨征南大將軍賴塔。進征雲南。在歸化寺擊賊陣亡。

夸代。滿洲正白旗人。姓納蘭氏。世居代明村地方。初任護軍校。康熙三十四年。以委署前鋒侍衛。隨撫遠大將軍伯費楊古。由西路進征厄魯特。噶爾丹。至昭莫多地方。與賊力戰陣亡。同旗有原任二等侍衛遮勒爾德。亦戰歿於陣。同得卹。贈拖沙喇哈番。又有陣亡於昭莫多者。護軍校卓拉虎。署護軍校托達海。奚特諾。安吉布。倪滿。陸什。俱贈為七品官。

索倫。滿洲正白旗人。姓查魯察氏。世居杜賢地方。任藍翎侍衛。康熙五十五年。同十五名侍衛

隨吏部尚書富寧安。防準噶爾。在黑河地方。與賊兵對敵陣亡。賞銀二百五十兩。給世職。拜他喇布勒哈番。同旗有達爾第喀者。初任藍翎侍衛。康熙五十七年。從征準噶爾。隨公諾勒布。搜勦索羅木地方。遇盜馬賊。力戰陣亡。卹贈拖沙喇哈番。以其子查爾必哈襲。又有渣倫查者。康熙六十年。以藍翎侍衛。委署前鋒章京。進藏征準噶爾賊。至喀喇烏素地方。遇賊。奮勇向前。射死數賊。身被重傷。戰歿於陣。尋議卹。贈拜他喇布勒哈番。以其子那思圖襲。

成根柱滿洲正白旗人。世居納穆都魯地方。以地爲姓。任護軍校。委署叅領。時準噶爾賊蠢動。公傅爾丹以靖邊大將軍往征。成根柱與在行間。雍正九年。與賊遇於和通胡爾漢諾爾地方。連戰屢日。力竭陣亡。贈拖沙喇哈番。同旗有護軍校吳海。驍騎校阿琳保。護軍校石柱。前鋒校巴哈布。驍騎校英泰。俱於是役陣亡。授拖沙喇哈番。

圖郎阿滿洲正白旗人。姓舒穆魯氏。世居胡爾哈地方。任郎中。雍正九年。從靖邊大將軍傅爾丹征準噶爾。至和通胡爾漢諾爾地方。與賊遇。奮勇力戰。歿於陣。卹贈拖沙喇哈番。是役也。同旗有筆帖式費揚阿。筆帖式色德禮。俱同事陣亡。各贈拖沙喇哈番。

雙白滿洲正白旗人。雍正九年。以三等待衛從征準噶爾賊。至和通胡爾漢諾爾地方。遇賊。連戰數日。身被重傷。隨歿於陣。是役也。同旗有偏圖者。初任護軍叅領。亦戰歿。俱贈拖沙喇哈番。又有三等待衛興保。護軍校吳常阿。護軍校色明。俱同事陣亡。

查爾布滿洲正白旗人。雍正十年。以護軍校從將軍傅爾丹征賊準噶爾。至吳孫珠爾地方。與賊遇。奮勇當先。因歿於陣。同旗有護軍校穆騰阿。護軍校寶旒。俱於是役陣亡。

八旗通志初集卷之二百二十三

忠烈傳四

正紅旗滿洲官員

岳樂順

子赫色
孫伯精

輝山

布達理

吳納哈賴

伊明阿

覺羅蘭泰
蘇

鄂赫

訥勒

覺羅吳

額貝

貴穆臣

子阿海

石賴

達魯哈

留哈

鄂哈
爾馬

鄂邁

達

巴揚阿

莫羅洪

尚吉圖

弟沙欣

布爾哈

席禮虎
阿蘭

噶來 子薩來

薩音達理 子席錦泰

海色 鄂善 沙賽

莫洛洪 子鈕鈕

海都 肯特

覺羅代袞

勒畢

綏哈

阿思虎 燕太 西里布

吳禮

伊藍泰 子席爾門

碩僧額 阿立馬 胡虎 薩弼哈

江都 德爾根

胡圖 聶爾庫

安柱虎 覺渾柱 隨遜

布善

索鼐 阿巴都 拖爾弼

卦錫哈

卓克什庫 索爾和諾

雅蘭泰 法寶

沙賴 和爾敦 倭什布

孫保住 福山 金泰

寶善 全保 富吉泰

色貝

富長 見名臣 安達立 傳

達色 見名臣 碩詹 傳

阿納海 見名臣 代松 阿傳

吳爾昆 見名臣 科魁 傳

阿思海 見名臣 穆成 格傳

傑篤 見名臣 傑股 傳

色勒布 見勳臣 薩鈕 傳 下一人同

莫羅渾

武達闡 見勳臣 傳 哈納傳

韓儲翰 見勳臣 哈寧 阿傳

巴喀 見勳臣 滿岱 傳

阿哈碩色 見勳臣 尼牙 哈納傳

覺羅色爾圖 見勳臣 高麗 傳

塞靖寇 見勳臣 色冷 傳

岳樂順。滿洲正紅旗人。天聰七年。以甲喇章京。從德格類貝勒。征明。攻旅順口城。率本甲喇兵。奮勇先登。力戰陣亡。卹贈牛錄章京世職。以弟雅慕善襲。順治七年。九年。三遇。

恩詔。加至二等阿達哈哈番。尋卒。子赫色襲。十二年。赫色從寧海大將軍宜爾德。征浙江舟山。在事有功。議敘加一拖沙喇哈番。合原襲世職。爲一等阿達哈哈番。康熙四十六年。銷去。

恩詔。所得世職。餘拜他喇布勒哈番。又一拖沙喇哈番。與其子禪奇襲。禪奇卒。子伯精襲。雍正七年。從。

八旗通志 卷一百二十三
征準噶爾。於和通胡爾哈諾爾地方。力戰陣亡。卹贈一拖沙喇哈番。合原襲世職爲三等阿達哈哈番。子白奇圖襲。

輝山。滿洲正紅旗人。崇德二年。以壯大。從喀凱等往征瓦爾喀。三年。任兵部理事官。六年。隨大兵。證明圍松山。敵兵夜侵鑲黃旗汛地。率本甲喇兵往援。敗之。敵兵復侵本旗汛地。仍擊敗之。順治元年十一月。隨豫親王多鐸南征。至潼關。擊流寇。三戰三敗之。師旋殿後。被創歿於軍中。三年敘功。贈半個前程世職。

布達理。滿洲正紅旗人。崇德三年。以擺牙喇甲喇章京。從貝勒岳託證明。擊敵兵於邊外。我牛泉章京齊明阿所部兵名撒爾沙者墜馬。布達理衝入敵陣。援出之。六年。從鄭親王濟爾哈朗證明。圍錦州。明軍門洪承疇率援兵來犯我右翼兵。布達理率本甲喇兵助擊却之。明松山兵來奪我紅衣礮。復擊却之。順治元年。從睿王多爾袞入山海關。破流寇。十一月。隨豫親王多鐸南征。師抵潼關。屢敗賊衆。二年。至江南。敗敵三次。又隨趙布泰沙爾虎達。敗僞王總兵於青浦。

縣追獲賊船三十艘。三年以功授半個前程世職。是年六月隨豫親王多鐸征騰機思。偕阿思哈達蘇率噶布什賢兩敗賊衆。復敗碩羅汗兵。五年隨征南大將軍譚泰。征江西叛鎮金聲桓。偕甲喇章京代達等。敗偽洪總兵於湖口縣。聲桓同其黨僞建武侯王德仁。引馬步兵七萬來薄我營。布達理同甲喇章京道喇往戰。中箭歿於陣。七年議卹。加世職爲拜他喇布勒哈番。吳納哈賴滿洲正紅旗人。崇德五年以擺牙喇甲喇章京從征明。圍錦州。困松山城。敵人夜侵

本旗營汛。偕梅勒章京季什哈往援。步戰却敵。八年隨征寧遠。敗賊一次。順治元年四月。從睿王多爾袞入山海關。擊敗流寇馬步兵。追至慶都縣。大殲之。十一月。從豫親王多鐸南征。至潼關。以伏兵擊流寇馬步兵。敗之。又攻破賊第一營。第二營。二年。至江南。敵人駐營於江寧府橋。奮擊敗之。是年併敘從前軍功。授牛錄章京世職。六月。隨多羅貝勒博洛征杭州。敵以舟師攻平湖縣。吳納哈賴追擊。獲船二十一隻。僞苗總兵王總兵。自海寧縣來犯。卽同格巴庫擊却其

八旗通志 卷二百二十三 五
衆旋以攻江陰縣。中礮而歿。三年議卹。加贈世職爲三等甲喇章京。

伊明阿。滿洲正紅旗人。崇德三年。以分得撥什庫。隨征明。攻松山城。中傷歿於城下。同旗有覺羅蘭泰者。崇德六年。以擺牙喇甲喇章京。征明圍錦州。在松山地方力戰陣亡。又有鄂赫者。順治九年。以擺牙喇甲喇章京。隨固山額真噶達洪出征。在大同渾源州。力戰陣亡。卹贈拖沙喇哈番。又有訥勒者。姓鈕祜魯氏。順治十五年。以壯大從征。至雲南。擊僞晉王李定國等於磨盤

山。力戰陣亡。卹贈拖沙喇哈番世職。又有覺羅吳蘇者。康熙十五年。以三等阿達哈哈番。從征逆藩吳三桂。至廣東陣亡。尋卹贈一拖沙喇哈番世職。

額貝。滿洲正紅旗人。崇德六年。以牛录章京。從大兵征明。圍錦州。同噶喇昂邦勞薩。碩翁科洛。巴圖魯擊敵。直抵柵門。大破之。復同碩翁科洛。巴圖魯。敗松山兵。七年。從征寧遠。偕噶布什賢。章京等。往視塹濠。遇敵兵擊敗之。又追明哨卒。獲三人。斬十五人。獲馬一匹。八年。隨貝勒阿巴

八旗通志 卷三十三 六
泰征明。攻薊州城。親至濠邊指麾。中礮歿。贈牛
泉章京世職。

貴穆臣。滿洲正紅旗人。崇德八年。從安平貝勒
杜度等。征明至山東。梯攻鄒城縣。先登。因無繼
登之人。遂歿於敵。尋議卹。贈牛泉章京世職。以
次子尼戡襲。順治七年。九年。三遇

恩詔。加至二等阿達哈哈番。尼戡卒。以其弟佛莫齊襲。
佛莫齊卒。以其長兄阿海襲。康熙十七年。阿海
隨征逆藩耿精忠。至江西。僞都督易天錫破建
昌。長驅至撫州。阿海隨定南將軍希爾根擊敗

之。追至楊梅鋪七里崗等處。又敗僞帥李茂珠。
李復生於鐘鼓山。敗僞都督楊益茂於鍾家嶺。
至廣信府。擊賊渠楊彪。及僞總兵萬勝於封禁
山洞。屢破僞總兵胡國華。李爾司等。十七年。隨
鎮南將軍莽依圖。征逆藩吳三桂。至廣西。敗僞
將軍吳世琮於新村之西山。十九年。敗僞將軍
范齊韓。詹仰等於柳州之陶屯。二十年。隨征南
大將軍賴塔。敗僞將軍何繼祖等於黃草壩。直
抵雲南。會同三路官兵。平定逆孽吳世璠。並在
事有功。二十五年。議敘。加世職爲一等阿達哈

哈番。

石賴滿洲正紅旗人。順治元年十一月，以分得撥什庫從豫親王多鐸南征。平定河南江南。二年，隨貝勒博洛征浙江，攻嘉興府城。敵兵出戰，同固山額真恩格圖擊却之。遂以火礮攻城。石賴所部兵於擊破處先登有功。再攻崑山縣，中火礮歿。卹贈半個前程世職。同旗有達魯哈者。順治元年，以閒散官從征流寇，擊賊帥袁解及王律等步兵，累有戰功。二年，至江南，攻江陰縣，中礮陣亡。五年，議卹，贈拖沙喇哈番世職。

留哈滿洲正紅旗人。順治元年四月，同噶喇昂那順科洛大追剿流賊。至涿州松蘿店地方陣亡。卹贈牛帛章京世職。同旗有鄂哈者。順治元年，以四等轄從睿王多爾袞入山海關擊流賊。力戰陣亡。康熙二十年，追贈護軍叅領。又有鄂邁者。順治十六年，以二等護衛隨安南將軍達素征剿福建海賊。在廈門地方力戰陣亡。卹贈拖沙喇哈番世職。又有三等護衛達爾馬者。亦於是役陣亡。卹贈拖沙喇哈番世職。

巴揚阿滿洲正紅旗人。順治二年，以壯大從征

八旗通志 卷一百二十三
流賊於陝西延安府。追至湖廣承天府等處。連
擊敗之。又隨和碩額駙固山額真杜雷於江西
九江小池口。奪獲賊船。追及僞劉侯兵。連敗之。
三年。從征四川流賊。擊賊渠八大王張獻忠。駐
兵山谷。力戰陣亡。卹贈半個前程世職。
莫羅洪。滿洲正紅旗人。初任副理事官。順治九
年。兩遇。

恩詔。授拜他喇布勒哈番世職。十三年。以監修

乾清宮辦事有功。加一拖沙喇哈番。十四年。隨定
遠大將軍世子濟度。征福建海賊。偕夸蘭大鄂

泰巴圖魯率舟師由泉州至敖斗地方。遇僞總
兵黃常。僞護明侯林四。僞提督吳正。引兵阻路。
奮擊敗之。過敖斗口。賊復以舟師二百餘艘接
戰。亦擊敗之。再攻廈門。歿於陣。康熙二年。加贈
世職。爲二等阿達哈哈番。

尚吉圖。滿洲正紅旗人。姓納蘭氏。世居尼馬察
地方。順治十五年。以擺牙喇從征雲南。隨署護
軍統領胡葉。擊僞侯李成蛟於涼水井地方。敗
之。又擊僞晉王李定國於盧噶地方。敗其兵一
萬七千餘。又隨護軍叅領查令阿。以步戰敗其

兵一次。十八年。從征山東土寇。有賊夜侵我營。尚吉圖戰歿。康熙三年。贈拖沙喇哈番世職。以其弟沙欣襲職。康熙十四年。沙欣從前鋒統領穆占。征逆藩吳三桂。由陝西進四川。取朝天關。敗僞總兵石存禮。破三十餘營。擊僞將軍王屏藩。鄭蛟麟等於盤龍山。水陸併戰。並大破之。師抵娘娘廟。敗僞將軍吳之茂。復擊敗僞將軍王屏藩等。於槐樹驛。小梅嶺。龍潭驛等處。俱在行間有功。二十五年。敘功。加世職。爲拜他喇布勒哈番。又一拖沙喇哈番。

布爾哈。滿洲正紅旗人。順治十五年。以委署護軍校。從征僞桂王。至貴州。破僞侯李成蛟於涼水井。又敗僞晉王李定國於盧噶地方。並在事有功。康熙十三年。隨征逆藩吳三桂。由陝西進四川。隨前鋒統領穆占。敗僞總兵石存禮於朝天關。破三十餘營。師抵娘娘廟。布爾哈以殿後拒賊歿於陣。十七年。卹贈拖沙喇哈番世職。同旗有席禮虎者。康熙十四年。以七品筆帖式。從征逆藩吳三桂。至陝西。擊僞將軍王屏藩。鄭蛟麟。吳之茂等於蟠龍山。席禮虎奮勇擊賊。歿於

八旗通志 卷二百二十三
陣十六年。卹贈拖沙喇哈番世職。又有阿蘭者。
任牛录章京。遇

恩詔。授拜他喇布勒哈番。順治九年。從征流賊至延安府。隨纛章京噶達渾擊敗之。後從征貴州。屢有戰功。康熙十四年。從征逆藩吳三桂。由陝西進四川。敗賊於朝天關。尋以迎接糧餉。至槐樹驛地方。遇賊力戰陣亡。加贈世職爲二等阿達哈哈番。

葛來。滿洲正紅旗人。順治十六年。隨安南將軍達素。征福建海賊。取臺灣。爭躍賊船。奮勇戰歿。贈拖沙喇哈番世職。子薩來襲。薩來初任右衛駐防佐領。康熙三十四年。隨撫遠大將軍伯費揚古。征厄魯特噶爾丹。於昭莫多地方。敗賊有功。加世職爲拜他喇布勒哈番。

薩音達理。滿洲正紅旗人。姓額陀氏。世居長白山。順治十七年。以牛录章京。從征鄂羅斯。賊以舟師據烏喇崖。薩音達理偕牛录章京馬喇往擊。被圍戰歿。康熙五年。贈拖沙喇哈番世職。子席錦泰襲。康熙三十五年。席錦泰從撫遠大將軍伯費揚古。由西路征厄魯特噶爾丹。敗賊有

功三十六年。加世職為拜他喇布勒哈番。

海色。滿洲正紅旗人。姓何舍里氏。順治十八年。

以三等待衛。隨安南將軍達素。征福建海賊。攻

廈門。歿於陣。康熙二年。贈拖沙喇哈番世職。同

旗有王府長史鄂善者。亦於是役陣亡。卹贈拜

他喇布勒哈番世職。又有沙賽者。康熙三年。以

員外郎。隨定西將軍圖海等。征湖廣流賊。攻茅

麓山。奮勇進戰。敗賊兩次。是年。又從征福建海

寇。攻廈門陣亡。四年。贈拖沙喇哈番世職。

莫洛洪。滿洲正紅旗人。姓納蘭氏。世居尼馬察

地方。順治十八年。以護軍校。從征福建海賊。攻

廈門。歿於陣。康熙二年。贈拖沙喇哈番世職。以

其子鈕鈕襲。康熙十四年。從征逆藩耿精忠。至

江西。有偽總兵官唐配勝等。以兵四千餘屯老

庄地方拒敵。擊敗之。十九年。至廣西。隨都統勒

貝等。敗逆孽吳世璠。偽將軍范齊韓。詹仰。於柳

州陶屯地方。二十年正月。隨征南大將軍賴塔

擊偽將軍何繼祖。王弘勳等。於石門坎。黃草壩。

俱克之。師抵雲南。平定逆孽。在事有功。又隨都

統希佛。追剿偽將軍馬寶。巴養元。至烏木山破

之。二十五年敘功。加世職爲拜他喇布勒哈番。又一拖沙喇哈番。

海都滿洲正紅旗人。姓何舍里氏。世居葉赫地方。康熙十四年。以驍騎校隨定南將軍希爾根征逆藩耿精忠。至江西。擊賊帥邵連登於建昌府長興破之。旋擊賊於新口淝堰地方。力戰陣亡。二十一年。卹贈拖沙喇哈番世職。同旗有肯特者。亦於是役。以七品官從征。在饒州府力戰陣亡。

覺羅代袞滿洲正紅旗人。

景祖皇帝第六弟之三世孫也。順治十六年。以擺牙喇甲喇章京隨安南將軍達素征福建海賊。攻廈門。賊渠鄭成功以舟師六百餘由成普澳來犯。代袞奮擊敗之。康熙十七年。隨征逆藩吳三桂。至湖廣永興縣。僞帥胡國柱等引賊三萬餘來攻。代袞力戰歿於陣。二十五年。卹贈拖沙喇哈番世職。

勒畢滿洲正紅旗人。順治十七年。海賊鄭成功犯江南。勒畢以佐領隨安南將軍明安達理往援。有僞都督楊文英率舟師百餘隻自舊縣來。

犯。奮擊却之。康熙十七年。從征逆藩吳三桂。至湖廣。擊賊帥杜輝。巴養元等。於洞庭湖。柳林嘴。力戰陣亡。二十五年。卹贈拖沙喇哈番世職。綏哈。滿洲正紅旗人。康熙十七年。以三等護衛。從征逆藩吳三桂。至湖廣岳州府。有僞將軍杜輝。巴養元。江義等。率舟師二萬餘。於洞庭湖。柳林嘴。來犯。綏哈隨討逆將軍鄂內。連擊敗之。旋進取湘陰縣。於九馬嘴地方。擊賊陣亡。二十五年。卹贈拖沙喇哈番世職。

阿思虎。滿洲正紅旗人。姓尼奇里氏。原任副都御史。緣事降爲四品官。康熙十二年。隨順承郡

王勒爾錦。征逆藩吳三桂。至湖廣永興縣沿山嶺。遇僞將軍馬寶。胡國柱等。引兵三萬餘來犯。阿思虎奮勇擊賊。歿於陣。卹贈拖沙喇哈番。同旗有燕太者。以拖沙喇哈番。隨貝子章泰。征逆藩吳三桂。在岳州府。力戰陣亡。尋議卹。加一拖沙喇哈番。合原世職。爲拜他喇布勒哈番。又有西里布者。康熙十五年。以護軍校。隨寧南靖寇。大將軍順承郡王勒爾錦。征逆藩吳三桂。至湖廣荊州府太平街地方。力戰陣亡。卹贈拖沙喇

八旗通志 卷三十三
哈番世職

吳禮滿洲正紅旗人。康熙十四年。以護軍校。隨信郡王鄂札。討察哈爾布爾尼。至大魯地方。屢敗其衆。斬殺甚多。以功授拖沙喇哈番世職。十七年。從討逆將軍鄂內。征逆藩吳三桂。至湖廣。破僞將軍杜輝等舟師於洞庭湖。進攻湘陰縣。力戰陣亡。尋議卹。加贈世職爲拜他喇布勒哈番。

伊藍泰滿洲正紅旗人。康熙十三年。從征逆藩吳三桂。由陝西進四川。隨前鋒統領穆占。擊賊於野狐嶺。敗之。又敗僞葉總兵於陽平關。又敗僞總兵官石存禮於朝天關。拔三十餘營。俱在行間有功。僞將軍王屏藩。鄭蛟麟。吳之茂等。引兵四萬餘。自蟠龍山分路來犯。伊藍泰隨大兵進戰。俱敗之。又敗賊於娘娘廟。張飛廟。槐樹驛。小梅嶺。龍潭驛等處。並在事有功。進至秦州。與賊戰。歿於陣。十六年。卹贈拜他喇布勒哈番。又一拖沙喇哈番。以其子席爾門襲。康熙二十年。席爾門隨征南大將軍都統賴塔。征逆孽吳世璠。由廣西進雲南。敗賊僞將軍何繼祖。王弘勳。

八旗通志 卷一百二十三
等。於石門坎。黃草壩等處。直抵雲南。會同三路大兵。平定逆孽。又隨都統希佛等。追擊僞將軍馬寶。巴養元等。於烏木山。大殲之。二十五年。敘功。加世職爲二等阿達哈哈番。

碩僧額。滿洲正紅旗人。姓納蘭氏。世居尼馬察地方。康熙十三年。以護軍校。從寧南靖寇。大將軍順承郡王勒爾錦。征逆藩吳三桂。至湖廣。隨護軍統領額司泰。擊賊於彝陵地方。生擒數人。被創三處。得功牌十二。二十九年。隨撫遠大將軍裕親王福全。征厄魯特噶爾丹。於烏蘭布通。

地方。力戰陣亡。卹贈拖沙喇哈番。世職同旗有阿立馬者。康熙二十九年。以叅領。隨撫遠大將軍裕親王福全。征厄魯特噶爾丹。於烏蘭布通地方。擊賊被創。尋以創發。卒於軍。三十三年。卹贈拖沙喇哈番。又有胡虎者。亦於是役被創。卒於軍。卹贈拖沙喇哈番。又有護軍校薩弼哈者。亦於是役。力戰陣亡。三十二年。以驍騎校。隨江都滿洲正紅旗人。康熙十三年。以驍騎校。隨征逆藩耿精忠。至江西。賊帥黃浩。率舟師。自鄱陽湖官塘地方。分三路來犯。江都隨大兵往擊。

敗之。距康山三十里。遇賊千餘。亦擊敗之。復敗賊於饒州等處。十四年七月。隨侍郎舒恕擊賊於宜黃縣之東山。敗其衆四千餘。十五年。隨安親王岳樂。征逆藩吳三桂。擊僞將軍夏國相李良棟等。於袁州府萍鄉縣東來龍山。破其營。大敗之。進至湖廣醴陵縣。擊賊陣亡。卹贈拖沙喇哈番世職。同旗有德爾根者。康熙十三年。隨征逆藩耿精忠。至浙江。敗僞總兵劉秉仁。馬步賊於半山嶺。十四年。隨都統喇哈達。敗賊於石塘。尋以擊僞騎都尉連登雲。力戰歿於陣。二十五

年。卹贈拖沙喇哈番世職。

胡圖。滿洲正紅旗人。康熙十三年。以佐領授叅領。隨振武將軍佛尼勒。征逆藩吳三桂。由陝西進兵。至盤龍山。朝天關。庸寧舖等處。地方連擊賊兵。敗之。十五年。遇僞將軍吳之茂。領兵萬餘。於秦州北山。分立二營。胡圖奮擊。直入賊營。中火礮陣亡。卹贈拖沙喇哈番世職。同旗有監察御史委署叅領聶爾庫者。亦於是役。在羅門鎮地方。力戰陣亡。卹贈拖沙喇哈番世職。安柱虎。滿洲正紅旗人。康熙十三年。以三等阿

八旗通志 卷一百二十三
達哈哈番隨征逆藩吳三桂。由陝西進四川。至朝天關。遇僞總兵石存禮等。結三十餘營。橫截隘口。安柱虎隨前鋒統領穆占。奮擊敗之。又迎糧餉至槐樹驛地方。有僞將軍王屏藩。吳之茂等。截我運道。安柱虎力戰。遂歿於陣。同旗有驍騎校覺渾柱。護軍校隨遜者。並於是役。屢立戰功。十四年。至秦州。遇賊。奮擊陣亡。並卹贈拜他喇布勒哈番世職。

布善。滿洲正紅旗人。康熙三年。以佐領銜。從定西將軍圖海等。勦湖廣流賊。我師將駐營挖濠。

茅麓山賊首李來亨。引賊五千。八路來犯。布善隨將軍進擊敗之。賊復以三千來犯。復擊敗之。十四年。隨征逆藩吳三桂。至陝西。八月。隨振武將軍佛尼勒。敗賊衆於滴水崖平嶺等處。又敗僞彭總兵李叅將於仰天池山巔。進至益門鎮。復擊敗賊衆。十五年。隨撫遠大將軍圖海。擊叛鎮王輔臣子王繼正等。於平涼府城北。奪護山墩。進征四川。僞總兵石存禮。何邦俊等。引賊兵七千。並裸裎兵五百。出棧道。據益門鎮西山。連結七營。復隨大兵往攻。大破之。身被重創。旋卒。

八旗通志 卷二百二十三
於軍二十六年。贈拜他喇布勒哈番世職。

索鼐。滿洲正紅旗人。康熙十四年。以八品官隨征叛鎮王輔臣。至陝西益門鎮地方。遇僞將軍王屏藩。引兵二萬餘來犯。奮擊敗之。賊復聚衆來戰。遂歿於陣。卹贈拖沙喇哈番。同旗有阿巴都者。康熙十四年。以護軍校從征陝西叛鎮王輔臣。僞總兵官王繼正等率馬步兵萬餘。自平涼府來犯。阿巴都力戰歿於陣。二十五年。卹贈拖沙喇哈番。又有拖爾弼者。姓格濟勒氏。世居綏分地方。初以馬甲駐防西安。隨征逆藩吳三陣。贈拖沙喇哈番世職。

桂有功。擢西安佐領。隨大兵進征四川。戰歿於陣。卦錫哈。滿洲正紅旗人。姓納拉氏。世居哈達地方。康熙十七年。以七品官隨討逆將軍鄂內。征逆藩吳三桂。至湖廣。擊僞將軍杜輝。巴養元。江義等。於洞庭湖柳林嘴。君山等處。屢破其舟師。又敗杜輝等於陸石口。二十年。隨征南大將軍賴塔。征逆孽吳世璠。平定雲南。又隨都統希佛等。追僞將軍馬寶。巴養元。至烏木山。破之。賊復集衆據山巔拒戰。卦錫哈往擊。歿於陣。二十五

八旗通志 卷二百二十三
年。卹贈拖沙喇哈番世職。

卓克什庫滿洲正紅旗人。康熙十五年。以護軍校。隨征逆藩吳三桂。擊賊於南陽縣。連敗之。三月。隨蕩寇將軍貝勒察尼。由荊州渡江。擊僞將軍吳國貴於太平街。被劊。尋以劊發卒。贈拖沙喇哈番。同旗有索爾和諾者。康熙十六年。以驍騎校。從征逆藩吳三桂。至江西吉安府。擊僞將軍韓大任。陳耀元等。於騾子山。被劊歿於陣。二十五年。卹贈拖沙喇哈番世職。

雅蘭泰。滿洲正紅旗人。康熙三十五年。以護軍校。從撫遠大將軍伯費揚古。征厄魯特噶爾丹。由西路進兵。至昭莫多地方。擊賊力戰。歿於陣。三十七年。卹贈拖沙喇哈番世職。同旗有前鋒法寶者。亦於是役。力戰陣亡。卹廕七品官。以其子伊薩布襲。

沙賴。滿洲正紅旗人。世居薩哈連烏喇地方。姓賽密勒氏。雍正七年。以驍騎叅領兼佐領職。從靖邊大將軍公傅爾丹。征準噶爾賊。九年六月。於和通胡爾哈諾爾地方。與賊遇。沙賴奮不顧身。力戰歿於陣。卹贈拖沙喇哈番世職。同旗有

八旗通志 卷二百二十三
護軍校和爾敦及倭什布者亦於是役力戰陣亡。並卹贈拖沙喇哈番。

孫保柱滿洲正紅旗人。以佐領從靖邊大將軍公傅爾丹征準噶爾賊。雍正九年六月在和通胡爾哈諾爾地方奮勇擊賊。被傷歿於陣。十一年八月奉

旨御祭。卹贈拖沙喇哈番世職。同旗有護軍校福山。世居虎爾哈地方。姓吳爾古察氏。前鋒校金泰。世居老溝地方。以地爲氏者。並於是役力戰陣亡。同卹贈拖沙喇哈番世職。

寶善滿洲正紅旗人。姓費莫氏。世居河車木薩出庫地方。雍正七年以副護軍叅領。部署叅領。從靖邊大將軍公傅爾丹征準噶爾賊。九年六月於和通胡爾哈諾爾地方與賊遇。寶善奮勇往擊。歿於陣。卹贈拖沙喇哈番世職。同旗有護軍校各全保者。由阿爾泰進兵於烏孫珠兒地方。力戰陣亡。又有護軍校富吉泰及色貝者。亦於和通胡爾哈諾爾地方陣亡。並卹贈拖沙喇哈番世職。

合番出類

伏味既財爾合番爾此大制十並和敵謀必陳
 次大輝制十又育蕪軍對富吉泰又可貝香亦
 軍效各全粉清由河爾泰其仗息慈和泉此
 封軍效然制油敵謀必陳合番出類同敵育蕪
 且伏味既財爾合番爾此大與和恩寶善查更
 翁海變大祿軍公制爾丹五學蕪爾類大爭六
 出軍此式率五十半以隔蕪軍參爾將署參爾
 寶善滿騰五孫蕪人我費莫升出吾何



